

四庫全書

史部

# 欽定四庫全書

史部

資治通鑑卷二百十一

詳校官修撰<sub>臣</sub>錢 榮

洗馬<sub>臣</sub>王坦修覆勘

總校官知縣<sub>臣</sub>楊懋珩

校對官中書<sub>臣</sub>嵇承志

謄錄監生<sub>臣</sub>陳振興

欽定四庫全書

資治通鑑卷二百十一

宋司馬光撰

胡三省音注

唐紀二十七

起開元攝提格盡強  
圍大荒落凡四年

玄宗至道太聖大明孝皇帝上之中

開元二年春正月壬申制選京官有才識者除都督刺

史都督刺史有政迹者除京官

京官即在  
朝官也

使出入常均

永為恒式

恒戶  
登翻

己卯以盧懷慎檢校黃門監

去年改  
門下省

為黃門侍中為監檢校黃門監檢校侍中也

舊制雅俗之樂皆隸太常上

精曉音律以太常禮樂之司不應典倡優雜伎

倡音昌伎渠綺

翻下同

乃更置左右教坊以教俗樂命右驍衛將軍范及

為之使

更工衛翻使疏吏翻

又選樂工數百人自教法曲於梨園

謂之皇帝梨園弟子

梨園在禁苑中注已見前

又教宮中使習之又

選伎女置宜春院

宜春院當在西內宜春門內近射殿

給賜其家禮部侍

郎張廷珪酸棗尉袁楚客皆上疏以為上春秋鼎盛宜

崇經術邇端士尚樸素深以悅鄭聲好遊獵為戒

上時掌翻

疏所去翻  
好呼到翻

上雖不能用咸嘉賞之 中宗以來貴戚爭

營佛寺奏度人為僧兼以偽妄富戶彊丁多削髮以避

徭役所在充滿姚崇上言佛圖澄不能存趙

石虎敬重  
佛圖澄澄

或而  
趙亡鳩摩羅什不能存秦

姚興師鳩摩羅  
什興或而秦亡

齊襄梁武未

免禍殃但使蒼生安樂即是福身何用妄度姦人使壞

正法

樂音洛  
壞音怪

上從之丙寅命有司沙汰天下僧尼

尼女  
夷翻

以偽妄還俗者萬二千餘人 初營州都督治柳城以

鎮撫奚契丹則天之世都督趙文翽失政奚契丹攻陷

之

見二百五卷武后萬歲通天元年契歟訖翻又音喫翻呼會翻

是後寄治幽州東漁

陽城

據舊書漁陽城在幽州東二百里

或言靺鞨奚霫大欲降唐止以

唐不建營州無所依投為默啜所侵擾故且附之

靺鞨音未

曷霫而立翻降戶

若唐復建營州則相帥歸化矣

復扶又翻

江翻啜陟劣翻

帥讀曰率

并州長史和戎大武等軍州節度大使薛訥信之

大武軍在代州北後改曰大同軍使疏吏翻

奏請擊契丹復置營州上亦以

冷陁之役欲討契丹

冷陁敗見上卷先天元年

羣臣姚崇等多諫甲

申以訥同紫微黃門三品將兵擊契丹

將即亮翻

羣臣乃不

敢言 薛王業之舅王仙童侵暴百姓御史彈奏業為

之請

彈徒丹翻  
為于偽翻

敕紫微黃門覆按姚崇盧懷慎等奏仙

童臯狀明白御史所言無所枉不可縱捨上從之由是

貴戚束手 二月庚寅朔太史奏太陽應虧不虧姚崇

表賀請書之史冊從之 乙未突厥可汗默啜遣其子

同俄特勒及妹夫火拔頡利發

厥九勿翻可從刊入聲  
汗音寒頡戶結翻 考

異曰舊郭虔瓘傳云默啜婿今從舊突厥傳及唐歷舊  
虔瓘傳作移江可汗突厥傳作移涅可汗今從唐紀

石附失畢將兵圍北庭都護府都護郭虔瓘擊破之

阿烏

葛翻將即亮  
翻敗補邁翻

同俄單騎逼城下虔瑾伏壯士於道側突

起斬之

騎奇  
寄翻

突厥請悉軍中資糧以贖同俄聞其已死

慟哭而去

丁未敕自今所在毋得創建佛寺舊寺頽

壞應葺者詣有司陳牒檢視然後聽之

閏月以鴻臚

少卿朔方軍副大總管王峻兼安北大都護朔方道行

軍大總管令豐安定遠三受降城及旁側諸軍皆受峻

節度

靈州界有豐安定遠等軍在黃河外武德四年分  
豐州迴樂縣置豐安縣貞觀十三年省入迴樂社

佑曰豐安軍在靈武西黃河外百八十餘里定遠軍在  
靈武東北二百里黃河外臚陵如翻峻子峻翻降戶江

翻徙大都護府於中受降城

杜祐曰安北府東至榆林三百五十里南至朔方八

百里西至九原三百五十里北至回紇界七百里

置兵屯田

丁卯復置十道

按察使

罷十道按察使見上卷上年復扶又翻使疏吏翻

以益州長史陸象先

等為之

長和兩翻

上思徐有功用法平直乙亥以其子大

理司直倫為恭陵令

倫力逆翻又力尹翻恭陵孝敬皇帝陵

竇孝謹之子

光祿卿幽公希城等請以己官爵讓倫以報其德

竇孝謹事

見二百五卷武后長壽二年謚氏士翻城古咸翻

由是倫累遷申王府司馬

唐制

大理司直從六品上親

王府司馬從四品下

丙子申王成義請以其府錄

事閻楚珪為其府參軍

唐親王府錄事從九品上上許  
流外官也參軍正七品上

之姚崇盧懷慎上言先嘗得旨云王公駙馬有所奏請

非墨敕皆勿行

引近音以  
寢格其請

臣竊以量材授官當歸有司

量音

良若緣親故之恩得以官爵為惠踵習近事

近事謂  
中宗朝

濫官  
之弊

實紊紀綱

紊音  
問

事遂寢由是請謁不行

突厥石

阿失畢既失同俄不敢歸癸未與其妻來奔以為右衛

大將軍封燕北郡王

燕因  
肩翻

命其妻曰金山公主或告

太子少保劉幽求太子詹事鍾紹京有怨望語下紫微

省按問幽求等不服姚崇盧懷慎薛訥言於上曰幽求

等皆功臣乍就閑職微有沮喪

下退嫁翻沮在  
呂翻喪息浪翻

人情或

然功業既大榮寵亦深一朝下獄恐驚遠聽戊子貶幽

求為睦州刺史紹京為果州刺史

果州漢安漢縣地宋  
於安漢故城置南宮

渠郡隋廢郡改安漢縣曰南充縣屬隆州武德四年置  
果州舊志睦州京師東南三千六百五十九里果州至

京師二千五百五十八里

考異曰幽求傳曰姚崇素

嫉忌之乃奏言幽求鬱快於散職兼有怨言貶授睦州

刺史紹京傳曰姚崇素惡紹京之為人因奏  
紹京發言怨望左遷綿州刺史今從實錄

紫微侍郎

王琚行邊軍未還

去年遣王琚按行北邊諸軍  
行下孟翻還從宣翻又如字

亦坐幽

求黨貶澤州刺史

澤州京師東北  
一千三十里

敕涪州刺史周利

貞等十三人皆天后時酷吏

周利貞裴諶張栖正張思敬王承本劉暉楊允康暉

封珣行張知默衛遂忠公孫瑋鍾思廉等凡十三人涪音浮

比周興等情狀差輕宜

放歸草澤終身勿齒

西突厥十姓酋長都擔叛三月

已亥磧西節度使阿史那獻克碎葉等鎮擒斬都擔降

其部落二萬餘帳

厥九勿翻酋慈由翻長知兩翻擔都翻磧七迹翻降戶江翻考異曰

實錄此月云獻擒賊帥都擔六月梟都擔首蓋此月奏擒之六月傳首至耳實錄此月又云以西域二萬餘帳內附六月云擒其部落五萬餘帳新傳云三萬帳蓋兵家好虛聲今從其少者

御史中丞

姜晦以宗楚客等改中宗遺詔

事見二百九卷  
唐宗景雲元年

青州刺

史韋安石太子賓客韋嗣立刑部尚書趙彥昭特進致

仕李嶠於時同為宰相不能匡正令監察御史郭震彈

之

監古銜翻  
彈徒丹翻

且言彥昭拜巫趙氏為姑蒙婦人服與妻

乘車詣其家甲辰貶安石為沔州別駕嗣立為岳州別

駕彥昭為袁州別駕

舊志岳州京師東南二千二百二  
十七里袁州京師東南三千五百

八十里沔彌充翻  
曰姚崇素惡彥昭之為人今從實錄

考異曰彥昭傳

嶠為滁州別駕

滁州

莫金椒縣地江左為南北二譙州及新昌郡隋改南譙  
州曰滁州舊志滁州京師東南二千五百六十四里滁

音除

安石至沔州晦又奏安石嘗檢校定陵

定陵中宗陵

盜隱

官物下州徵賦

下選嫁翻

安石歎曰此祇應須我死耳憤恚

而卒

恚於避翻卒子恤翻

晦皎之弟也

毀天樞

造天樞見二百五卷武后延載

元

發匠鑄其鐵錢厯月不盡先是韋后亦於天街作石

臺高數丈以頌功德

天街即京城朱雀街先悉薦翻高古號翻

至是并毀之

夏四月辛巳突厥可汗默啜復遣使求昏

復扶又翻使疏吏翻

自稱乾和永清太駙馬天上得果報天男突厥聖天骨

咄祿可汗

天男猶云天子也咄當沒翻

五月己丑以歲饑悉罷員

外試檢校官

員外官一也試官二也檢校官三也罷之以其冗濫曰靡俸廩也

自今非

有戰功及別勅毋得注擬

此三項官今後非有戰功及別敕特行錄用吏兵部毋得

注擬

已酉吐蕃相奎達延

吐從瞰入聲相息亮翻奎蒲頓翻

遺宰相書

遺于李翻

請先遣解琬至河源正二國封疆然後結盟琬嘗

為朔方大總管故吐蕃請之前此琬以金紫光祿大夫

致仕復召拜左散騎常侍而遣之

復扶又翻又如字

又命宰相

復奎達延書招懷之琬上言吐蕃必陰懷叛計請預屯

兵十萬於秦渭等州以備之

史言解琬所言其識遠過崔漢衡上時掌翻

黃門監魏知古本起小吏因姚崇引薦以至同為相崇意輕之請知古攝吏部尚書知東都選事遣吏部尚書

宋璟於門下過官

唐制凡文武職事官六品以下吏兵部進擬必過門下省量其階資校其

才用以審定之若擬職不當隨其優屈退而量焉謂之過官選須絹翻

知古銜之崇二子

分司東都恃其父有德於知古頗招權請託知古歸悉

以聞它日上從容問崇

從十容翻

卿子才性何如今何官也

崇揣知上意

揣初委翻

對曰臣有三子兩在東都為人多欲

而不謹是必以事干魏知古臣未及問之耳上始以崇

必為其子隱

偽為于翻

及聞崇奏喜問卿安從知之對曰知

古微時臣卯而翼之

左傳楚子西謂白公勝曰勝如卯余翼而長之

臣子愚以

為知古必德臣容其為非故敢干之耳上于是以崇為

無私而薄知古負崇欲斥之崇固請曰臣子無狀撓陛

下法

撓奴巧翻又奴教翻

陛下赦其辜已幸矣苟因臣遂知古天

下必以陛下為私於臣累聖政矣

累力瑞翻

上久乃許之辛

亥知古罷為工部尚書

考異曰舊知古傳二年還京上屢有顧問恩意甚厚尋改紫

微令姚崇深忌憚之陰加讒毀乃除工部尚書罷知政事新傳亦云由黃門監改紫微令今據實錄知古自黃

門監罷政事其所  
以罷從柳氏舊聞

宋王成罷申王成義於上兄也岐

王範薛王業上之弟也幽王守禮上之從兄也

從才用翻

素友愛近世帝王莫能及初即位為長枕大被與兄弟

同寢諸王每旦朝於側門

朝直遙翻下同

退則相從宴飲關雞

擊毬或獵於近郊遊賞別墅中使存問相望於道

墅承與翻

使疏更翻下同

上聽朝罷多從諸王遊在禁中拜跪如家人禮

飲食起居相與同之於殿中設五幄與諸王更處其中

更工衡翻下更奉同處昌呂翻

或講論賦詩間以飲酒博奕遊獵

間古苑翻

下讒  
間同

或自執絲竹成器善笛範善琵琶與上更奏之諸

王或有疾上為之終日不食終夜不寢業嘗疾上方臨

朝須臾之間使者十返上親為業煮藥

為于  
偽翻

回飈吹火

誤熱上須左右驚救之上曰但使王飲此藥而愈須何

足惜

熱如悅翻  
須與醫同

成器尤恭慎未嘗議及時政與人交結

上愈信重之故讒間之言無自而入然專以聲色畜養

娛樂之

畜吁玉翻  
樂音洛

不任以職事羣臣以成器等地逼請

循故事出刺外州六月丁巳以宋王成器兼岐州刺史

舊制岐州京師西三百一十五里

申王成義兼豳州刺史

考異曰實錄舊傳作豳

州今從唐歷舊紀

豳王守禮兼虢州刺史

虢州西至京師四百三十里

令到

官但領大綱自餘州務皆委上佐主之

上佐長史司馬也

是後

諸王為都護都督刺史者並準此 丙寅吐蕃使其宰

相尚飲藏來獻盟書

尚吐蕃之貴姓也

上以風俗奢靡秋七

月乙未制乘輿服御金銀器玩宜令有司銷毀以供軍

國之用其珠玉錦繡焚于殿前

乘繩證翻

后妃以下皆毋得

服珠玉錦繡戎戎敕百官所服帶及酒器馬銜鐙

鐙都鄧翻

也鞍鐙

三品以上聽飾以玉四品以金五品以銀自餘皆

禁之婦人服飾從其夫子

夫子者夫若子也

其舊成錦繡聽染

為皂自今天下更毋得采珠玉織錦繡等物違者杖一

百工人減一等

唐法杖一百決臀杖二十減一等則杖八十

罷兩京織錦坊

臣光曰明皇之始欲為治

治直吏翻

能自刻厲節儉如此

晚節猶以奢敗甚哉奢靡之易以溺人也詩云靡不

有初鮮克有終

詩蕩之辭易以政翻鮮息淺翻

可不慎哉

薛訥與左監門衛將軍杜賓客定州刺史崔宣道等將

兵六萬

監古衙翻將即亮翻 考異曰舊傳云兵二萬僉載云八萬人皆沒今從唐紀

出檀州

擊契丹賓客以為士卒盛夏負戈甲齎資糧深入寇境

難以成功訥曰盛夏草肥羔犢孳息

小羊曰羔小牛曰犢孳津之翻生也

因糧於敵正得天時一舉滅虜不可失也行至灤水山

峽中

薊州雄武軍東北行百二十里至鹽城守捉又東北渡灤河灤落官翻

契丹伏兵遮

其前後從山上擊之唐兵大敗死者什八九訥與數十

騎突圍得免虜中嗤之謂之薛婆

俗謂婦人之老曰婆言薛訥老怯如老婦

也人崔宣道將後軍聞訥敗亦走訥歸罪於宣道及胡將

李思敬等八人

將即亮翻

制悉斬之於幽州庚子敕免訥死

削除其官爵獨赦杜賓客之罪 壬寅以北庭都護郭

虔瓘為涼州刺史河西諸軍州節度使

使疏吏翻

果州刺

史鍾紹京心怨望數上疏妄陳休咎

數所角翻

乙巳貶溱州

刺史

溱側詵翻

丁未房州刺史襄王重茂薨輟朝三日追

諡曰殤皇帝

以韋氏所立故仍諡曰皇帝重直龍翻朝直遙翻

戊申禁百官

家毋得與僧尼道士往還壬子禁人間鑄佛寫經 宋

王成器等請獻興慶坊宅為離宮甲寅制許之始作興

慶宮

興慶宮後謂之南內在皇城中南距京城之東直東內之南自東內達南內有夾城複道經通化門

達南內人主往來

兩宮外人莫知之

仍各賜成器等宅環於宮側

寧王岐王宅在

安興坊薛王宅在勝業坊二坊相連皆在興慶宮西寧王即宋王也環音官

又於宮西南置

樓題其西曰花萼相輝之樓南曰勤政務本之樓上或

登樓聞王奏樂則召升樓同宴或幸其所居盡歡賞賚

優渥 乙卯以岐王範兼絳州刺史薛王業兼同州刺

史

考異曰實錄云八月乙卯據長曆八月丙辰朔實錄自此以下脫少今取唐歷舊本紀補之仍敕

宋王以下每季二人入朝

朝直

周而復始 民間訛言

上采擇女子以充掖庭

掖音亦

上聞之八月乙丑令有司

具車牛於崇明門

唐六典大明宮紫宸殿內朝正殿也殿之南面紫宸門紫宸門之左曰崇

明門右曰光順門

自選後宮無用者載還其家敕曰燕寢之內

尚令罷遣閭閻之間足可知悉乙亥吐蕃將坐達延

乞力徐帥衆十萬寇臨洮軍蘭州至于渭源

果如解琬之言岷州

溢樂縣古臨洮縣義寧二年更名渭源漢隴西之首陽縣也後魏分隴西置渭源郡又改首陽為渭源縣唐以

縣屬渭州將即亮翻坐蒲頓翻帥讀曰率下同洮土刀翻

掠取牧馬命薛訥白衣攝

左羽林將軍為隴右防禦使

薛訥以灤河之敗削除官爵故命以白衣攝官出隴

右使疏吏  
翻下同

以右驍衛將軍常樂郭知運為副使

常樂漢廣至縣

地曹魏分廣至置宜禾縣李嵩於此置涼興郡隋置常樂鎮武德五年改鎮為縣屬瓜州驍堅克翻樂音洛

與太僕少卿王峻帥兵擊之辛巳大募勇士詣河隴就

訥教習初鄯州都督楊矩以九曲之地與吐蕃

事見上卷睿宗

景雲元年鄯時戰翻又音善

其地肥饒吐蕃就之畜牧

畜吁玉翻

因以入

寇矩悔懼自殺

乙酉太子賓客薛謙光獻武后所製豫

州鼎銘

武后鑄九州鼎自製銘

其末云上玄降鑒方建隆基

通典載豫

州鼎銘曰犧農首出軒昊應期唐虞繼踵湯武以為上

乘時天下光宅域內雍熙上玄降鑒方建隆基以為上

受命之符姚崇表賀且請宣示史官頒告中外

臣光曰日食不驗太史之過也而君臣相賀是誣天也采偶然之文以為符命小臣之諂也而宰相因而實之是侮其君也上誣於天下侮其君以明皇之明姚崇之賢猶不免於是豈不惜哉

九月戊申上幸驪山溫湯 敕以歲稔傷農令諸州脩

常平倉法

太宗時置義倉及常平倉以備凶荒高宗以後稍假以給他費至神龍中略盡至是復置

之江嶺淮浙劔南地下濕不堪貯積不在此例

貯丁呂翻

突厥可汗默啜衰老昏虐愈甚壬子葛邏祿等部落詣

涼州降

邏祿佐翻  
降戶江翻

冬十月吐蕃復寇渭源

復扶  
又翻

丙辰

上下詔欲親征發兵十餘萬人馬四萬匹戊午上還

宮甲子薛訥與吐蕃戰于武街

水經注武街城在漢  
狄道縣東白石山西

北唐為武街驛與大來谷皆屬臨洮渭  
源縣界劉昫曰武街驛在渭州西界

大破之時太僕

少卿隴右羣牧使王暎帥所部二千人與訥會擊吐蕃

至達延將吐蕃兵十萬屯大來谷暎選勇士七百衣胡

服夜襲之

暎子峻翻帥讀曰率至蒲  
頃翻將即亮翻衣於既翻

多置鼓角於其後

五里前軍遇敵大呼後人鳴鼓角以應之虜以為大軍

至驚懼自相殺傷死者萬計訥時在武街去大來谷二

十里虜軍塞其中間

呼火故翻塞悉則翻

暖復夜出襲之虜大潰

始得與訥軍合追奔至洮水復戰于長城堡

秦築長城起臨洮因

以名堡復扶又翻

又敗之

敗補邁翻

前後殺獲數萬人豐安軍使王

海賓戰死

使疏吏翻

戊辰姚崇盧懷慎等奏頃者吐蕃以河

為境神龍中尚公主遂踰河築城置獨山九曲兩軍

即楊

矩所與九曲之地也

去積石三百里又於河上造橋今吐蕃既叛

宜毀橋拔城從之以王海賓之子忠嗣為朝散大夫尚

輦奉御

朝直遙翻  
散悉曹翻

養之宮中

己巳突厥可汗默啜又

遣使求昏上許以來歲迎公主突厥十姓胡祿屋等

諸部詣北庭請降

此西突厥也降  
戶江翻下同

命都護郭虔瓘撫存

之乙酉命左驍衛郎將尉遲瓌使于吐蕃宣慰金城

公主吐蕃遣其大臣宗俄因矛至洮水請和用敵國禮

驍堅堯翻將即亮翻尉紆  
勿翻使疏吏翻洮土刀翻

上不許自是連歲犯邊

異曰考

唐歷四年七月丁丑吐蕃以去年之敗遣其大臣宗俄  
因矛赴塞請和自恃兵彊求敵國之禮天子忿之按自

此至四年非去年也既云以敗請和又何得云自恃兵彊既云天子忿之又當年八月已許其和今從舊傳

十一月辛卯葬殤皇帝丙申遣左散騎常侍斛琬

詣北庭宣慰突厥降者隨便宜區處

處昌呂翻

十二月壬

戌沙陀金山入朝甲子置隴右節度大使須嗣鄯奉

河渭蘭臨武洮岷郭疊宕十二州

須當作領嗣字衍奉當作秦郭當作廓臨

州本漢隴西之狄道地晉置武始郡隋廢郡復為狄道縣屬蘭州天寶三載始分置臨州新舊志皆云然據此則已置臨州久矣武州古白馬之地漢武帝開置武都郡西魏改曰石門縣置武州宕州後魏宕昌羌之地後周置宕昌郡天和元年置宕州鄯時戰亂又音善宕徒浪翻

以隴右防禦副使郭知

運為之 乙丑立皇子嗣真為鄆王

考異曰實錄於此作鄆王於後作

鄆王今從舊傳

余詳考新舊二史嗣真是年與嗣初

嗣玄同封然嗣真實帝之第四子非長子也長子乃嗣

直也次子則嗣謙也先天元

年封嗣直鄆王嗣謙鄆王 嗣初為鄆王嗣主為鄆王

作嗣主當

辛巳立鄆王嗣謙為皇太子嗣真上之長子母

曰劉華妃

劉華妃鄆王嗣直之母若鄆王嗣真之母則錢妃也亦誤

嗣謙次子也母

曰趙麗妃

帝置惠妃麗妃華妃以代三夫人

麗妃以倡進有寵于上故

立之

以母寵而立其子母寵衰則子愛弛矣為後廢太子張本倡音昌

是歲置幽州

節度經略鎮守大使領幽易平檀媯燕六州

媯居為翻燕因肩翻

突騎施可汗守忠之弟遮弩恨所分部落少於其兄

遂叛入突厥請為鄉導以伐守忠

騎奇衛翻少詩照翻卿譜曰嚮

默啜

遣兵二萬擊守忠虜之而還

還從宣翻又如字考異曰舊傳以為景龍三年事

按實錄娑葛既為十四姓可汗自後無娑葛名但屢云突騎施守忠入朝或者守忠即娑葛賜名邪景雲以後守忠猶在又開元二年六月阿史那獻泰有龍見于北庭為鎮將婁馮言之曰突厥施娑葛三年後破散默啜八年後自滅然則娑葛於時尚在也竟不知歿于何年故附此謂遮弩曰汝叛其兄何有於我遂并殺之

書此以戒兄弟日尋干戈而假手於他人以逞其志者

三年春正月癸卯以盧懷慎檢校吏部尚書兼黃門監

懷慎清謹儉素不營資產雖貴為卿相所得俸賜隨散

親舊

係芳用翻

妻子不免饑寒所居不蔽風雨姚崇嘗有子

喪

喪息浪翻

謁告十餘日政事委積懷慎不能決惶恐入謝

於上上曰朕以天下事委姚崇以卿坐鎮雅俗耳崇既

出須臾裁決俱盡頗有得色顧謂紫微舍人齊澣曰予

為相可比何人澣未對崇曰何如管晏澣曰管晏之法

雖不能施於後猶能沒身公所為法隨復更之似不及

也

復扶又翻更工衡翻觀姚崇之所以問齊澣之所以對皆揣己以方人欲不失其實今之好議論者當大

臣得權之時則譽之為伊傅周召為大臣者安受之而不愧失權之後則詆之為王莽董卓李林甫楊國忠為大臣者亦受之而不得以自明則今日之諂我者乃它日之毀我者也

崇曰然則竟如何

澣曰公可謂救時之相耳崇喜投筆曰救時之相豈易

得乎懷慎與崇同為相自以才不及崇每事推之

易以  
敢翻

推吐雷翻  
又如字

時人謂之伴食宰相

臣光曰魯鮑叔之於管仲子皮之於子產皆位居其

上能知其賢而下之授以國政孔子美之

管仲請囚  
於魯鮑叔

受之以歸言于桓公曰管夷吾治于高傒使相可也桓公用之遂霸諸侯鄭子皮當國授子產政子產辭

子皮曰虎帥以聽政孰敢不聽  
遂授以政鄭國大治下邳掾翻

曹參自謂不及蕭何

一遵其法無所變更漢業以成

事見十二卷漢惠帝二年更工衡翻夫

不肖用事為其僚者愛身保祿而從之不顧國家之

安危是誠罪人也賢智用事為其僚者愚惑以亂其

治專固以分其權媚嫉以毀其功愎戾以竊其名是

亦臯人也

治直吏翻媚音昌愎弼力翻

崇唐之賢相懷慎與之同

心戮力以濟明皇太平之政夫何臯哉秦誓曰如有

一介臣斷斷猗無它技

斷丁亂翻猗於綺翻又於宜翻技渠綺翻下同

其心

休休焉其如有容人之有技若已有之人之彥聖其

心好之

好呼到翻

不啻如自其口出寔能容之以保我子

孫黎民亦職有利哉懷慎之謂矣

御史大夫宋璟坐監朝堂杖人杖輕貶睦州刺史

監古銜翻

朝直進翻

突厥十姓降者前後萬餘帳高麗莫離支文簡

十姓之壻也二月與跌跌都督思泰等亦自突厥帥衆

來降

麗力知翻跌奚結翻跌徒結翻帥讀曰率

考異

斤等十二人詣涼州內屬乙卯胡祿屋闕及首領等一十三百十一人來降十月庚辰胡祿二萬帳詣北庭內

屬明年正月突厥葛邏祿下首領裴羅達干來降二月  
突厥十姓部落左廂五咄陸啜右廂五弩失畢俟斤等  
相繼內屬前後二千餘帳三月突厥支副忌等來朝詔  
曰胡祿屋大首領之副忌四月三姓葛邏祿率衆歸國  
五月詔葛邏祿胡屋鼠尼施等又云宜令北庭都護湯  
嘉惠與葛邏祿胡屋等相應安西都護呂休璟與鼠尼  
施相應又云及新來十姓大首領計會犄角唐厯九月  
云胡祿屋闕啜十月云胡祿屋二萬帳新傳前云胡祿  
屋後云胡屋按十姓有胡祿居闕啜鼠尼施處半啜諸  
書名號雖各參差要之葛邏祿胡屋鼠尼施為三姓必  
矣然胡祿屋以二萬帳而云十姓內屬前後二千餘帳  
參差難據今從舊傳余考新舊史時默啜既破突騎  
施不能撫安西突厥十姓故來制皆以河南地處之  
降而高文簡則默啜之子婿也

呂

三月胡祿屋酋長支訇忌等入朝上以十姓降者

浸多夏四月庚申以右羽林大將軍薛訥為涼州鎮大

總管赤水等軍並受節度居涼州

涼州有赤水軍本赤烏鎮有赤青泉因名

之幅員五十一百八十里軍之最大者也

左衛大將軍郭虔瓘為朔州鎮大

總管和戎等軍並受節度居并州

朔州蜀本作朔川新紀亦然

勅兵

以備默啜默啜發兵擊葛邏祿胡祿屋鼠尼施等屢破

之

葛邏祿本突厥諸族在北庭西北金山之西有三族一謀落二熾俟三踏實力當東西突厥間後稍南徙

自號三姓葉護邏郎佐翻尼女夷翻

敕北庭都護湯嘉惠左散騎常侍解

琬等發兵救之五月壬辰敕嘉惠等與葛邏祿胡祿屋

鼠尾施及定邊道大總管阿史那獻互相應援 山東

大蝗民或於田旁焚香膜拜設祭而不敢殺姚崇奏遣

御史督州縣捕而瘞之

膜莫胡翻膜拜胡禮拜也瘞於計翻 考異曰舊傳開元四年

山東蝗大起崇奏請捕瘞按本紀三年六月山東諸州大蝗姚崇奏差御史下諸道促官吏遣人驅撲焚瘞從之是歲田收有獲人不甚饑四年又云是夏山東河南河北蝗蟲大起遣使分捕而瘞之又實錄今年十一月制以間者河南河北災蝗水潦明年正月辛未以右丞倪若水為汴州刺史五月敕曰今年蝗暴乃是孽生所由官司不早除遏任蟲成長看食田苗不恤人災自為身計向若信其拘忌不有指麾則山東之苗掃地俱盡然則三年有蝗崇令討捕不能盡明年又有蝗也今從本紀 議者以為蝗衆多除不

可盡上亦疑之崇曰今蝗滿山東河南北之人流亡殆盡豈可坐視食苗曾不救乎借使除之不盡猶勝養以

成災上乃從之盧懷慎以為殺蝗太多恐傷和氣崇曰

晉楚莊吞蛭而愈疾

賈誼書曰楚王食寒菹而得蛭因遂吞之腹有疾而不能食令尹入

問疾曰吾食菹而得蛭不行其罪是法廢而威不立也謹而誅之恐監食者皆死遂吞之令尹曰天道無親唯德是輔王有仁德疾不為傷王疾果愈蛭之日翻

孫叔殺蛇而致福

說苑孫叔殺為兜時

出遊見兩頭蛇殺而埋之還家而哭母問其故曰見兩頭蛇恐成母曰蛇安在曰聞見兩頭蛇者成恐人復見已殺而埋之矣母曰毋憂汝不為矣吾聞有陰德者天必報以福

奈何不忍於蝗而忍

人之饑死乎若使殺蝗有禍崇請當之 秋七月庚辰

朔日有食之 上謂宰相曰朕每讀書有所疑滯無從

質問可選儒學之士日使入內侍讀盧懷慎薦太常卿

馬懷素九月戊寅以懷素為左散騎常侍使與右散騎

常侍褚無量更日侍讀

更工  
衡翻

每至閣門令乘肩輿以進

或在別館道遠聽于宮中乘馬親送迎之待以師傅之

禮以無量羸老特為之造腰輿

羸倫為翻腰輿令人舉  
之適與腰平為于偽翻

在內殿令內侍舁之

舁羊  
茹翻

九姓思結都督磨散等來

降已未悉除官遣還 西南蠻寇邊遣右驍衛將軍李

玄道發戍瀘夔巴梁鳳等州兵三萬人

戎州本犍為郡梁置戎州瀘音

盧并舊屯兵討之 壬戌以涼州大總管薛訥為朔方

道行軍大總管太僕卿呂延祚霸州刺史杜賓客副之

以討突厥

甲子上幸鳳泉湯

唐六典岐州郿縣有鳳凰湯

十一月

乙卯還京師

劉幽求自杭州刺史徙郴州刺史

漢郴州

縣也為桂陽郡治所隋平陳置郴州郴州林翻

憤恚

恚於避翻

甲申卒于道

卒子恤翻

丁

酉以左羽林大將軍郭虔瓘兼安西大都護四鎮經略

大使虔瓘請自募關中兵萬人詣安西討擊皆給遞馱

及熟食

遞馱者沿路遞發馬牛驢馱運兵器什物也唐六典曰驢馱曰馱每馱一百斤其脚直一百里

一百丈山阪處一百二十丈驢少處不得過一百五十文平易處不得下八十文其有人負處兩人分一馱又給熟食欲其速達

安西馱徒何翻

敕許之將作大匠韋湊上疏以為今

西域服從雖或時有小盜竊舊鎮兵足以制之關中常

宜充實以彊幹弱枝自頃西北二虜寇邊凡在丁壯征

行略盡豈宜更募驍勇遠資荒服

驍堅堯翻

又一萬征人行

六千餘里咸給遞馱熟食道次州縣將何以供秦隴之

西戶口漸少涼州已往沙磧悠然

少詩沿翻下同  
磧七迹翻下同

遣彼

居人如何取濟縱令必克其獲幾何儻稽天誅毋乃甚

損請計所用所得校其多少則知利害昔唐堯之代兼

愛夷夏中外又安漢武窮兵遠征雖多克獲而中國疲

耗

唐堯協和萬邦韋湊所謂兼愛夷夏也漢武事見漢紀夏戶雅翻

今論帝王之盛德

者皆歸唐堯不歸漢武况邀功不成者復何足比議乎

時姚崇亦以虔瓘之策為不然既而虔瓘卒無功

復扶又翻

卒子  
恤翻

初監察御史張孝嵩奉使廓州

監古銜翻使還  
疏吏翻下同

還

陳磧西利害請往察其形勢上許之聽以便宜從事拔  
汗那者古烏孫也內附歲久吐蕃與大食共立阿了達  
為王發兵攻之拔汗那王兵敗奔安西求救孝嵩謂都  
護呂休璟曰不救則無以號令西域遂帥旁側戎落兵  
萬餘人出龜茲西數千里下數百城

璟俱永翻帥讀曰  
率龜茲曰丘慈下

遐嫁  
翻

長驅而進是月攻阿了達于連城孝嵩自擐甲督

士卒急攻自己至酉屠其三城俘斬千餘級阿了達與  
數騎逃入山谷

擐音宦騎  
奇寄翻

孝嵩傳檄諸國咸振西域大

食康居大宛罽賓等八國皆遣使請降

罽音計

會有言其

賊汚者坐繫涼州獄貶靈州兵曹參軍

兵曹參軍即司兵參軍是後復

用孝嵩為都護著名西域

京兆尹崔日知貪暴不法御史大夫李

傑將糾之日知反構傑罪十二月侍御史楊瑒廷奏曰

若糾彈之司使奸人得而恐愒

瑒雉杏翻又音暢愒呼葛翻

則御史

臺可廢矣上遽命傑視事如故貶日知為歙縣丞

歙縣漢屬

丹陽郡縣南有歙浦因以為名唐帶歙州歙書洪翻

或上言按察使徒煩擾公

私

考異曰開元宰相臣奏云李伯等不知伯何人也今去其名

請精簡刺史縣令停

按察使上命名尚書省官議之姚崇以為今止擇十使猶患未盡得人況天下三百餘州縣多數倍安得刺史

縣令皆稱其職乎

稱尺證翻下不稱同

乃止尚書左丞韋玢

玢方

貧翻

奏郎官多不舉職請沙汰改授它官玢尋出為刺史

宰相奏擬冀州敕改小州姚崇奏言臺郎寬怠及不稱職玢請沙汰乃是奉公臺郎甫爾改官玢即貶黜於外議者皆謂郎官謗傷臣恐後來左右丞指以為戒則省事何從而舉矣

省事謂尚書省之事也

伏望聖慈詳察使當官者

無所疑思乃除冀州刺史突騎施守忠既死默啜兵

還守忠部將蘇祿鳩集餘衆為之酋長

騎奇寄翻將即亮翻酋慈由翻

長知兩翻

蘇祿頗善綏撫十姓部落稍稍歸之有衆二十萬

遂據有西方尋遣使入見

使疏吏翻下同見賢遍翻

是歲以蘇祿為

左羽林大將軍金方道經略大使

西方屬金故曰金方道

皇后

妹夫尚衣奉御長孫昕以細故與御史大夫李傑不協

殿中省有尚食尚藥尚衣尚舍尚乘尚輦六局各有奉御二人尚衣奉御掌供天子衣服詳其制度辨其名數而供其進御

四年春正月昕與其妹夫楊仙玉於里巷伺傑而毆之

伺相吏翻  
毆烏口翻

傑上表自訴曰髮膚見毀雖則痛身冠冕被

陵誠為辱國上大怒命於朝堂杖殺以謝百僚

上時掌  
翻被皮

義翻朝  
直遙翻

仍以敕書慰傑曰昕等朕之密戚不能訓導使

陵犯衣冠雖寘以極刑未足謝罪卿宜以剛腸疾惡勿

以凶人介意丁亥宋王成器更名憲申王成義更名

撝

二王以成字犯昭成皇  
后諡號更名更工衡翻

乙酉隴右節度使郭虔瓘

奏奴石良才等八人皆有戰功請除游擊將軍

唐制游  
擊將軍

從五品下下選敕下下選盧懷慎等奏曰郭虔瓘恃其微效輒侮

彛章為奴請五品偽翻實亂綱紀不可許上從之丙

午以鄆王嗣真為安北大都護安撫河東關內隴右諸

蕃大使

據新舊書此亦鄆王嗣直以為鄆王嗣真誤以也而新舊書以安北為安西亦誤使疏吏翻以

安北大都護張知運為之副陝王嗣昇為安西大都護

安撫河西四鎮諸蕃大使以安西都護郭虔瓘為之副

陝失再翻二王皆不出閤諸王遙領節度自此始二月丙

辰上幸驪山溫湯吐蕃圍松州丁卯上還宮辛

未以尚書右丞倪若水為汴州刺史兼河南採訪使

唐會

要開元二十二年二月十九日初置十道採訪處置使據此則先置採訪使二十二年始置採訪處置使也舊

志汴州京師東一千三百五十里

上雖欲重都督刺史選京官才望者

為之然當時士大夫猶輕外任揚州採訪使班景倩入

為大理少卿過大梁

唐汴州治浚儀縣古之大梁也

若水餞之行立望

其行塵久之乃返謂官屬曰班生此行何異登仙 癸

酉松州都督孫仁獻襲擊吐蕃於城下大破之 上嘗

遣宦官詣江南取鵝鵲鵝鵲等

鵝居有翻鵲咨盈翻鵝鵲似鳬而大脚高毛冠

水鳥也爾雅曰鴈鵠陸佃新義曰鴈鵠間視不流其  
睛交據汧出不流所謂鴈鵠旋目者也爾雅翼鴈似鳬  
而脰高有毛冠江東人養以厭火災又謂之交精精目  
精也其目精交也陸龜蒙曰鴈鵠黑襟青脰丹爪喙色  
幾及項鴈苦奚翻鴈心力翻鴈鴈亦水鳥也毛有五色  
陸佃埤雅曰鴈鵠五色尾有毛如船拖小于鴨性食短  
狐在山澤中無復毒氣故淮賦云鴈鵠尋邪而逐害此  
鳥蓋溪中之物邪逐害者故以名云陳昭裕建州圖經  
曰鴈鵠于水中宿老少若有勦令也亦  
有浮游雄者左雌者右羣伍皆有式度欲置苑中使者

所至煩擾道過汴州倪若水上言今農桑方急而羅捕

禽鳥以供園池之翫遠自江嶺水陸傳送食以梁肉

張傳

應劭食  
祥吏翻

道路觀者豈不以陛下賤人而貴鳥乎陛下方

當以鳳皇為凡鳥麒麟為凡獸况鵙鵙鵙鵙足貴也

上手敕謝若水賜帛四十段縱散其鳥 山東蝗復大

起復扶姚姚崇又命捕之倪若水謂蝗乃天災非人力所

及宜修德以禳之禳如羊翻劉聰時常捕埋之為害益甚拒

御史不從其命崇牒若水曰劉聰偽主德不勝妖今日

聖朝妖不勝德妖於喬翻朝直遙翻古之良守守手又翻蝗不入境若

其修德可免彼豈無德致然若水乃不敢違夏五月甲

辰勅委使者詳察州縣捕蝗勤惰者各以名聞由是連

歲蝗災不至大饑

或言於上曰今歲選叙大濫

選須絹翻

下典選同

縣令非才及入謝上悉召縣令於宣政殿庭

大明宮正

殿曰含元殿其北曰宣政殿

試以理人策惟鄆城令韋濟詞理第一

鄆城古縣漢屬濟陰郡後漢為兗州治所晉屬濮陽郡唐帶濮州鄆吉據翻

擢為醴泉令

自繁

縣擢為次赤縣也

餘二百餘人不入第且令之官

百當作十

四十五

人放歸學問吏部侍郎盧從愿左遷豫州刺史李朝隱

左遷滑州刺史

舊志滑州去京師一千四百四十里朝直達翻 考異曰韋濟傳云問安人策

一道今從唐歷盧從愿傳曰上盡召新授縣令一時於殿庭策試考入下第者一切放歸學問唐歷試在四月

從愿朝隱貶在五月朝隱傳云四年春以授縣非其人  
貶今從唐歷又韋濟傳曰時有人密奏上曰今載吏部  
選叙大濫縣令非才全不簡擇及縣令謝官日引入殿  
庭問安人策試者一百餘人獨濟策第一或有不書紙  
者擢濟為醴泉令二十餘人還舊官  
四十五人放歸習讀今亦從唐歷

從愿典選六年與

朝隱皆名稱職

史以從愿朝隱為稱職則或言為非矣稱尺證翻

初高宗之世

馬載裴行儉在吏部最有名時人稱吏部前有馬裴後

有盧李濟嗣立之子也

韋嗣立思謙之子長安中為相

有胡人上言

海南多珠翠奇寶

海南謂林邑扶南真臘諸國也上時掌翻

可往營致因言

市舶之利

船音白

又欲往師子國

師子國天竺旁國也居西南海中舊無人民止

有鬼神及龍居之諸國商賈來共市易鬼神不見其形但出珍寶顯其所堪價商賈依價取之其地和適無冬夏之異諸國人聞其土樂因此競至或有求靈藥及善

停住者遂成大國能馴養師子因以名國

求靈藥及善

醫之嫗寘之宮掖

嫗咸遇翻掖音亦

上命監察御史楊範臣與

胡人偕往求之範臣從容奏曰陛下前年焚珠玉錦繡

示不復用今所求者何以異於所焚者乎彼市舶與商

賈爭利殆非王者之體

從千容翻復扶又翻賈音古

胡藥之性中國

多不能知況於胡嫗豈宜寘之宮掖夫御史天子耳目之官必有軍國大事臣雖觸冒炎瘴死不敢辭此特胡

人眩惑求媚無益聖德竊恐非陛下之意願熟思之上  
遽自引咎慰諭而罷之 六月癸亥上皇崩于百福殿

年五十五 考異曰睿宗玄宗實錄皆曰甲子按下云  
已巳睿宗一七齋度萬安公主為女道士今從舊本紀

唐 已巳以上女萬安公主為女官欲以追福 癸酉拔

曳固斬突厥可汗默啜首來獻時默啜北擊拔曳固大

破之於獨樂水

樂音洛

恃勝輕歸不復設備遇拔曳固逆

卒頡質略自柳林突出斬之

兵敗潰散士卒逆走故曰  
逆卒復扶又翻逆北孟翻

時大武軍子將郝靈荃奉使在突厥

子將小將也唐令  
制每軍大將一人

別奏八人僚十六人副二人分掌軍務奏僚減大將半  
判官二人典四人總管四人二主左右虞侯二主左右  
押衙僚各五人子將八人資其分  
行陣辯金鼓及部署僚各二人  
頡質畧以其首歸之

考異曰唐歷俾勃曳固今從實錄唐歷又云靈荃引  
特勒回紇部落斬默啜于毒樂河今從舊傳舊傳云入  
蕃使郝靈儉今從唐歷又新舊紀皆云六月癸酉斬默  
啜唐歷亦在六月玄宗實錄七月戊寅詔書與降附突  
厥云乘其衰弱早就剪除其能捉  
獲默啜者已立賞格蓋未奏到耳  
與偕詣闕懸其首於

廣街拔曳固回紇同羅霄僕固五部皆來降置於大武

軍北默啜之子小可汗立骨咄祿之子闕特勒擊殺之

骨咄祿即骨篤祿默啜之兄也永  
淳二年反天授二年死默啜代立  
及默啜諸子親信略

盡立其兄右賢王默棘連是為毗伽可汗國人謂之小殺毗伽以國固讓闕特勒闕特勒不受乃以為左賢王專典兵馬秋七月壬辰太常博士陳貞節蘇獻以太

廟七室已滿請遷中宗神主於別廟奉睿宗神主祔太廟從之又奏遷昭成皇后祔睿宗室肅明皇后留祀於

儀坤廟

肅明皇后睿宗之元妃也昭成后次妃也以生帝升祔睿宗而肅明后祀於別廟非禮也儀坤

廟見上卷景雲二年

八月乙巳立中宗廟於太廟之西辛未契

丹李失活奚李大酺帥所部來降

武后萬歲通天時奚契丹叛帝即位之後

孫全薛訥相繼喪師兩蕃不敢乘勝惡陵中國乃相帥  
來降中國之勢安強有以服其心故也酺音蒲帥讀曰  
率降戶江翻下同制以失活為松漠郡王行金吾大將軍兼松

漠都督因其八部落酋長拜為刺史

貞觀末以契丹達稽部為峭落州統

便部為彈汗州獨活部為無逢州芬間部為羽陵州突  
便部為日連州芮奚部為徒河州陞斤部為萬丹州伏  
部為匹黎赤山二州并松漠府凡八  
部十州今復以其酋長各為刺史又以將軍薛泰督

軍鎮撫之大酺為饒樂郡王行金吾大將軍兼饒樂都

督失活盡忠之從父弟也

李盡忠即萬歲通天叛者樂音洛從才用翻

吐

蕃復請和

復扶又翻下律復多復必復無復同

上許之

突厥默啜既死

奚契丹拔曳固等諸部皆內附突騎施蘇祿復自立為

可汗突厥部落多離散毗伽可汗患之乃召默啜時牙

官噉欲谷以為謀主噉欲谷年七十餘噉乃昆翻多智略國

人信服之突厥降戶處河曲者北河之曲處昌呂翻聞毗伽立多

復叛歸之并州長史王晙上言此屬徒以其國喪亂喪息

浪翻故相帥來降若彼安寧必復叛去今置之河曲此屬

桀黠實難制御往往不受軍州約束興兵剽掠點戶入翻剽匹

翻妙聞其逃者已多與虜聲問往來通傳委曲乃是畜養

此屬使為間諜

畜吁玉翻  
間古覓翻

日月滋久奸詐逾深窺伺邊

隙將成大患虜騎南牧必為內應

同相吏翻  
騎奇寄翻

來逼軍州

表裏受敵雖有韓彭不能取勝矣願以秋冬之交大集

兵衆諭以利害給其資糧徙之內地二十年外漸變舊

俗皆成勁兵雖一時暫勞然永久安靖比者守邊將吏

及出境使人多為諛辭皆非事實

比毗至翻  
將即亮翻

或云北虜

破滅或云降戶安帖皆欲自銜其功非能盡忠徇國願

察斯利口

孔子曰惡利口  
之覆邦家者

勿忘遠慮議者必曰國家鼎

時已嘗寘降戶於河曲皆獲安寧

謂貞觀時也

今何所疑此

則事同時異不可不察邇者頡利既亡降者無復異心

故得久安無變今北虜尚存

謂默啜雖死此如又立也

此屬或畏其

威或懷其惠或其親屬豈樂南來較之彼時固不侔矣

彼時謂貞觀之時樂音洛

以臣愚慮徙之內地上也多屯士馬大為

之備華夷相參人勞費廣次也正如今日下也願審茲

三策擇利而行縱使因徙逃亡得者皆為唐有若留至

河水恐必有變䟽奏未報降戶跌跌思泰阿悉爛等果

叛冬十月甲辰命朔方大總管薛訥發兵追討之王峻

引并州兵西濟河晝夜兼行追擊叛者破之斬獲三千

級先是單于副都護張知運悉收降戶兵仗

先悉薦翻

令度

河而南降戶怨怒御史中丞姜晦為巡邊使

使疏吏翻

降戶

訴無弓矢不得射獵晦悉還之降戶得之遂叛張知運

不設備與之戰于青剛嶺

青剛嶺在慶州方渠縣北靈州之南

為虜所擒

欲送突厥至綏州境將軍郭知運以朔方兵邀擊之大

破其衆於黑山呼延谷虜釋張知運而去上以張知運

喪師斬之以徇毗伽可汗既得思泰等欲南入為寇瞰

欲谷曰唐主英武民和年豐未有間隙不可動也

喪息浪翻

間古覓翻

我衆新集力尚疲羸且當息養數年始可觀變而

舉毗伽又欲築城并立寺觀

羸倫為翻寺觀古玩翻

瞰欲谷曰不

可突厥人徒稀少

少詩詔翻

不及唐家百分之一所以能與

為敵者正以逐水草居處無常

處昌呂翻

射獵為業人皆習

武彊則進兵抄掠弱則竄伏山林唐兵雖多無所施用

若築城而居變更舊俗

更工衡翻

一朝失利必為所滅釋老

之法教人仁弱非用武爭勝之術不可崇也毗伽乃止

庚午葬大聖皇帝于橋陵

橋陵在同州蒲城縣三十里是歲改蒲城縣為奉先

縣屬京兆尹

廟號睿宗御史大夫李傑護橋陵作判官王旭

犯賊傑按之反為所構左遷衢州刺史

衢州漢新安太未之地晉改新

安為信安改太未為龍丘屬東陽郡唐武德四年分置衢州衢州京師東南四千七百十二里

十一

月己卯黃門監盧懷慎疾亟上表薦宋璟李傑李朝隱

盧從愿並明時重器所坐者小所棄者大望垂矜錄上

深納之乙未薨

考異曰鄭處誨明皇雜錄云懷慎為黃門監吏部尚書卧病既久宋璟盧從

愿相與訪焉懷慎常器重二人持一人手謂曰公出入為藩輔主上求治甚切然享國歲久近者稍倦于勤必有人乘此而進矣君其志之按懷慎初為吏部時璟貶睦州及卒璟猶未歸從愿未嘗入相又四年未為享國歲久今家無餘蓄惟一老蒼頭請自鬻以辦喪事

史言盧懷

慎之奴異乎人奴

丙申以尚書左丞源乾曜為黃門侍郎同

平章事姚崇無居第寓居罔極寺以病告

唐會要神龍元年

年太平公主為天后立罔極寺於大寧坊開元二十年改為興唐寺店失庶翻瘡疾也

上遣使問

飲食起居狀日數十輩

使疏吏翻

源乾曜奏事或稱旨上輒

曰此必姚崇之謀也或不稱旨輒曰何不與姚崇議之

稱尺  
證翻

乾曜常謝實然每有大事上常令乾曜就寺問崇

癸卯乾曜請遷崇於四方館

四方館屬  
中書省

仍聽家人入侍

疾上許之崇以四方館有簿書非病者所宜處固辭上

曰設四方館為官吏也使卿居之為社稷也

處昌呂翻  
為于偽翻

恨不可使卿居禁中耳此何足辭崇子光祿少卿彝宗

正少卿昇廣通賓客頗受饋遺為時所譏

遺于  
季翻

主書趙

誨為崇所親信

唐中書省有主書  
四人從七品上

受胡人賂事覺上親

鞠問下獄當死崇復營救

下遐嫁翻  
復扶又翻

上由是不悅會曲

赦京城敕特標誨名杖之一百流嶺南

考異曰朝野僉載紫微舍人

倪若水賊至八百貫因諸王內宴姚元崇諷之曰倪舍人正直百司嫉之欲成事何不為上言之諸王入衆共救之遂釋一無所問主書趙誨受蕃餉一刀子或直六七百錢元崇宣敕處死後有降崇乃劄曰別敕處死者決一百配流大理決趙誨一百不死夜遣給使緝殺之劄蓋批字也今從舊傳崇由是憂懼數

請避相位

數所角翻

薦廣州都督宋璟自代十一月上將幸

東都以璟為刑部尚書西京留守

璟俱永翻守式又翻

令馳驛詣

闕遣內侍將軍楊思勗迎之

按舊書楊思勗傳時為內常侍右監門衛將軍內侍

內侍省官之長內常侍則為之貳者也內侍從四品下內常侍正五品上璟風度凝遠人莫

測其際在塗竟不與思勗交言思勗素貴幸歸訴于上  
上嗟歎良久益重璟 丙辰上幸驪山溫湯乙丑還宮

閏月己亥姚崇罷為開府儀同三司源乾曜罷為京

兆尹西京留守

守手又翻

以刑部尚書宋璟守吏部尚書兼

黃門監紫微侍郎蘇頲同平章事

頲他鼎翻

璟為相務在擇

人隨材授任使百官各稱其職

稱尺證翻

刑賞無私敢犯顏

直諫上甚敬憚之雖不合意亦曲從之突厥默啜自則

天世為中國患朝廷旰食

朝直遥翻旰古按翻

傾天下之力不能

克郝靈荃得其首自謂不世之功璟以天子好武功恐

好事者競生心傲倖

好呼到翻  
傲工亮翻

痛抑其賞逾年始授郎

將靈荃慟哭而死

郝靈荃因人以為功授以  
郎將非抑之也將即亮翻

璟與蘇頲

相得甚厚頲遇事多讓於璟璟每論事則頲為之助璟

嘗謂人曰吾與蘇氏父子皆同居相府僕射寬厚誠為

國器

僕射謂  
蘇頲也

然獻可替否吏事精敏則黃門過其父矣

按舊書蘇頲傳頲以紫微  
侍郎同紫微黃門平章事

姚宋相繼為相崇善應變成

務璟善守法持正二人志操不同然協心輔佐使賦役

寬平刑罰清省百姓富庶唐世賢相前稱房杜後稱姚

宋它人莫得比焉二人每進見上輒為之起去則臨軒

送之

見賢遍翻輒為于偽翻

及李林甫為相雖寵任過於姚宋然

禮遇殊卑薄矣

史終言之

紫微舍人高仲舒博通典籍齊澣

練習時務姚宋每坐二人以質所疑既而歎曰欲知古

問高君欲知今問齊君可以無闕政矣 辛丑罷十道

按察使

開元二年復置按察使

舊制六品以下官皆委尚書省

奏擬是歲始制員外郎御史起居遺補不擬

員外郎御史起居遺

補皆臺省要官由人主親除不由尚書奏擬按唐制員外郎從六品侍御史起居郎亦從六品補闕七品拾遺及監察御史

則八品耳

五年春正月癸卯太廟四室壞上素服避正殿時上將

幸東都

舊志東都至西京八百五十里

以問宋璟蘇頲對曰陛下三年

之制未終

去年六月肅宗崩故云然

遽爾行幸恐未契天心災異為

戒願且停車駕又問姚崇對曰太廟屋材皆符堅時物

歲久朽腐而壞適與行期相會何足異也

言不足以為災異

且

王者以四海為家陛下以關中不稔幸東都百司供擬

已備不可失信但應遷神主于太極殿更修太廟

更工衡翻

如期自行耳上大喜從之賜崇絹二百匹已酉上行享

禮於太極殿命姚崇五日一朝仍入閣供奉

入閣供奉者應內殿

朝參立于供奉班中姚崇舊相也蓋立于供奉班首朝直遙翻

恩禮更厚有大政輒訪

焉右散騎常侍褚無量上言隋文帝富有天下遷都之

日豈取苻氏舊材以立太廟乎此特諛臣之言耳願陛

下克謹天戒納忠諫遠諂諛

褚無量之言諛言也上時掌翻遠于願翻

上弗

聽辛亥行幸東都過崤谷道隘不治

崤谷在陝州硤石縣

上欲免

河南尹及知頓使官

車駕行幸有知頓使使疏吏翻

宋璟諫曰陛下方

事巡幸今以此罪二臣臣恐將來民受其弊上遽命釋之璟曰陛下罪之以臣言而免之是臣代陛下受德也

請令待罪朝堂而後赦之

朝直達翻

上從之

五月乙巳以李

朝隱為河南尹宋璟傳云上次永寧之峭谷馳道隘狹車騎停擁河南尹李朝隱知頓使王怡失於部伍上令黜其官爵二傳相違蓋當時河南尹不知何人非朝隱耳又明皇雜錄曰上幸東都至繡嶺宮當時炎酷上以行宮狹隘謂左右曰此有佛寺乎吾將避暑於廣廈或云六軍填委於其中不可速行上謂高力士曰姚崇多計第往覘之力士回奏云姚崇方袵絺綌乘小駟按轡于木陰下上悅曰吾得之矣遽命小駟而頓消暑潯乃

歎曰小事尚如此觸類而長之天下固受其惠矣按正月東幸二月至東都未炎暑也今不取

二月

甲戌至東都赦天下 奚契丹既內附貝州刺史宋慶

禮建議請復營州三月庚戌制復置營州都督於柳城

制復扶又翻又如字

兼平盧軍使管內州縣鎮戍皆如其舊

武后萬歲

通天元年營州陷至是乃復

以太子詹事姜師度為營田支度使與

慶禮等築之三旬而畢慶禮清勤嚴肅開屯田八十餘

所招安流散數年之間倉廩充實市里浸繁 夏四月

甲戌賜奚王李大酺妃辛氏號固安公主

酺音蒲

己丑

皇子嗣一卒追立為夏王諡曰悼

夏戶雅翻

嗣一母武惠妃

攸止之女也

武攸止武后從子也

突騎施酋長左羽林大將軍

蘇祿部衆浸彊雖職貢不乏陰有窺邊之志五月十姓

可汗阿史那獻欲發葛邏祿兵擊之上不許初上微

時與太常卿姜皎親善及誅竇懷貞等

誅懷貞等見上卷元年

皎

預有功由是寵遇羣臣莫及常出入臥內與后妃連榻

宴飲賞賜不可勝紀

勝音升

弟晦亦以皎故累遷吏部侍

郎宋璟言皎兄弟權寵太盛非所以安之上亦以為然

秋七月庚子以晦為宗正卿因下制曰西漢諸將以權

貴不全

謂漢高帝時也將即亮翻

南陽故人以優閑自保

謂漢光武時也

皎

宜放歸田園散官勲封皆如故

散悉翻

壬寅隴右節度

使郭知運大破吐蕃於九曲

安西副大都護湯嘉惠

秦突騎施引大食吐蕃謀取四鎮圍鉢換及大石城

鉢換

即撥換城大石城蓋石國城也

已發三姓葛邏祿兵與阿史那獻擊之

并州長史張嘉貞上言突厥九姓新降者散居太原

以北請宿重兵以鎮之辛酉置天兵軍於并州集兵八

萬以嘉貞為天兵軍大使

天兵軍在并州城中

太常少卿王仁

惠奏則天立明堂不合古制又明堂尚質而窮極奢侈

密邇宮掖人神雜擾甲子制復以明堂為乾元殿

毀乾元殿

見二百四卷武后垂拱四年復扶又翻又如字

冬至元日受朝賀

朝直達翻

季秋大

享復就圓丘

九月中書門下省及侍中皆復舊名

改中

書門下省及省官名見上卷元年

貞觀之制中書門下及三品官入

奏事必使諫官史官隨之有失則匡正美惡必記之諸

司皆於正牙奏事御史彈百官服豸冠對仗讀彈文

獬豸

冠法冠也一曰柱後惠文高五寸以纁為展第鐵柱卷  
執法者服之觀王義方彈李義府事可見彈徒丹翻下

同故大臣不得專君而小臣不得為讒慝慝吐及許敬

宗李義府用事政多私僻奏事官多俟仗下於御坐前

屏左右密奏坐徂臥翻監奏御史監奏御史意即殿中侍御史也監古銜翻

下及待制官永徽中命弘文館學士一人日待制于武德殿西門文明元年詔京官五品已上清

官日一人待制于章善明福門先天末又以朝集使六品已上二人隨仗待制遠立以俟其退

諫官御史皆隨仗出仗下後事不復預聞復扶武后以

法制羣下諫官御史得以風聞言事自御史大夫至監

察得互相彈奏率以險詖相傾覆

說皮義翻

及宋璟為相欲

復貞觀之政戊申制自今事非的須秘密者皆令對仗

奏聞史官自依故事

唐制天子御正殿則左右俯陛而聽有命則退而書之若仗在紫宸

內閣則夾香案分立殿下自永徽之後唯得對仗承旨仗下之後謀議皆不得預聞

冬十月癸

酉伊闕人孫平子上言春秋譏魯躋僖公

春秋文二年大事于太廟

躋僖公傳曰逆祀也君子以為失禮禮無不順祀國之大事也而逆之可謂禮乎子雖齊聖不先父食久矣故

禹不先鯀湯不先契文武不先不密宋祖帝乙鄭祖厲王猶上祖也上音時掌翻

今遷中宗於

別廟而祀睿宗正與魯同凡臣於弟猶不可躋

謂魯僖公嘗臣

於閑公也況弟臣於兄謂睿宗之于中宗也可躋之於兄上乎若以兄

弟同昭

昭讀曰侶

則不應出兄置於別廟願下羣臣博議遷

中宗入廟事下禮官

下遐嫁翻

太常博士陳貞節馮宗蘇獻

議以為七代之廟不數兄弟殷代或兄弟四人相繼為

君

殷時陽甲盤庚小辛小乙兄弟四人相繼為君

若數以為代則無祖禰之祭

矣

禰乃禮翻

今睿宗之室當亞高宗故為中宗特立別廟中

宗既升新廟睿宗乃祔高宗何嘗躋居中宗之上而平

子引躋僖公為證誣罔聖朝漸不可長時論多是平子

上亦以為然故議久不決蘇獻頤之從祖兄也

長知兩翻從才

用翻 考異曰唐歷曰獻頤之再從叔今從舊志新表

故頤右之

左傳天子之所右者寡君右之

右音又

卒從禮官議

卒子恤翻

平子論之不已謫為康州都城

尉

都城漢端溪縣地晉立都城縣屬晉康郡隋省併入端溪屬信安郡唐分端溪置康州都城屬焉

新廟成

更作太廟成也

戊寅神主祔廟

上命宋璟蘇頤為諸

皇子制名及國邑之號

偽為于翻

又令別制一佳名及佳號

進之璟等上言七子均養著於國風

詩曹國風曰鸛鳴在桑其子七兮淑

人君子其儀一兮注云鸛鳴之養其子朝從上下暮從下上平均如一上時掌翻

今臣等所制

名號各三十餘輒混同以進以彰陛下履燾無偏之德

履數又翻

上甚善之 十一月丙申契丹王李失活入朝

直朝

遼翻

考異曰長歷十一月丁酉朔丙申十月晦也與

實錄差一日舊紀唐歷皆云十二月己亥契丹李失活

來朝今從實錄

十二月壬午以東平王外孫楊氏為永樂公主

妻之

東平王續紀王慎之子也慎太宗子樂音洛妻子細翻

祕書監馬懷素奏

省中書散亂訛缺請選學術之士二十人整比校補從

之

比毗至翻

于是搜訪逸書選吏繕寫命國子博士尹知章

桑泉尉韋述等二十人同刊正


桑泉縣隋開皇十六年分猗氏縣置屬蒲州

考異曰舊傳為樂陽尉  
今從韋述集賢注記

以左散騎常侍褚無量為之使

使疏  
吏翻

於乾元殿前編校羣書



資治通鑑卷二百十一

欽定四庫全書

史部

資治通鑑卷二百十二

詳校官修撰臣錢 榮

洗馬臣王坦修覆勘

總校官知縣臣楊懋珩

校對官中書臣嵇承志

謄錄監生臣陳振興

欽定四庫全書

資治通鑑卷二百十二 宋 司馬光 撰

胡三省 音注

唐紀二十八

起若雅敦祥盡旃蒙亦奮若凡八年

玄宗至道大聖大明孝皇帝上之下

開元六年春正月辛丑突厥毗伽可汗來請和許之

九厥

勿翻伽求迦翻可從刊入聲汗音寒

廣州吏民為宋璟立遺愛碑

去年宋璟

自廣州入相為子偽翻璟居永翻

璟上言臣在州無它異迹今以臣光

寵成彼諂諛欲革此風望自臣始請敕下禁止

上時掌  
翻下選

稼上從之於是它州皆不敢立

辛酉敕禁惡錢

武德  
四年

鑄開元通寶錢其後盜鑄漸起顯慶五年以惡錢多官  
為市之以一善錢售五惡錢民間藏惡錢以待禁弛乾  
封以後私錢犯法日蕃有以舟筏鑄于江中者詔所在  
納惡錢而姦亦不息武后時錢非穿穴及鐵錫銅液皆  
得用之熟銅排斗沙澀之錢皆售自是盜鑄蜂起吏莫  
能捕先天之際兩京錢益濫或鎔錫模錢須臾百十枚  
之禁重二銖四分以上乃得行歛人間惡錢鎔之更鑄如

式錢

更工  
衡翻

於是京城紛然賣買殆絕宋璟蘇頲請出太

府錢二萬緡置南北市以平價買百姓不售之物可充

官用者及聽兩京百官豫假俸錢庶使良錢流布人間

從之

顏他鼎翻  
俸芳用翻

二月戊子移蔚州橫野軍於山北

杜佑

曰橫野軍在蔚州東北百四十里去太原九  
百里此蓋指言開元所移軍之地蔚紆勿翻

屯兵三萬

為九姓之援以拔曳固都督頡質略同羅都督毗伽末

吸霫都督比言回紇都督夷健頡利發僕固都督曳勒

歌等各出騎兵為前後左右軍討擊大使

頡戶結翻  
陟劣翻  
霫而

立翻騎奇寄翻  
使疏吏翻下同

皆受天兵軍節度

天兵軍在并州城中  
考異曰實錄壬辰

制大舉擊突厥五都督及拔悉密金山道總管處木昆  
執米吸堅昆都督骨篤祿毗伽契丹都督李失活奚都

督李大酺及默斡之子右賢王默特勒逾輸等夷夏之師凡三十萬並取朔方道大總管王峻節度而於後俱不見出師勝敗按此年正月突厥請和帝有答詔而二月伐之恐無此事舊紀及王峻突厥傳皆無此月出兵事新突厥傳云默棘連遣使請和帝以不情答而不許俄下詔伐之以王峻統之期以八年並集稽落水上行兵貴密不應前二年半先下有所討捕量宜追集

量音良

無事各歸部落營生仍常加存撫 三月乙巳徵嵩山

處士盧鴻入見

見賢通翻

拜諫議大夫鴻固辭

考異曰舊傳作盧鴻一

本紀新傳皆作鴻按中岳真人劉君碑云盧鴻撰今從之

天兵軍使張嘉貞入朝

朝直達翻

有告其在軍奢僭及賂賄者按驗無狀上欲反坐

告者

反坐者以誣告人所得罪坐之

嘉貞奏曰今若罪之恐塞言路

塞

則

使天下之事無由上達願特赦之其人遂得減死上

由是以嘉貞為忠有大用之意

為張嘉貞入相張本

有薦山人

范知璿文學者并獻其所為文

璿從宣

宋璟判之曰觀其

良宰論頗涉佞諛

良宰論蓋稱美當時宰相

山人當極言讜議

讜音黨

豈宜偷合苟容文章若高自宜從選舉求試不可別奏

夏四月戊子河南參軍鄭銑朱陽永郭仙舟投匭獻

詩

河南參軍河南府參軍也唐制諸府州諸曹參軍之外又有參軍事掌出使贊導新志注曰武德初改行

書佐曰行參軍尋又改曰參軍事朱陽漢弘農縣南界地後魏分置朱陽郡屬析州後周廢郡為縣隋屬弘農郡唐龍朔初屬高州萬歲通天二年度屬洛州唐屬洛州遷居洧翻敕曰觀其文理乃崇道法

至於時用不切事情宜各從所好

好呼到翻

並罷官度為道

士 五月辛亥以突騎施都督蘇祿為左羽林大將軍

順國公充金方道經略大使

騎奇寄翻

契丹王李失活卒

癸巳以其弟娑固代之

契欺託翻又音娑素何翻

秋八月頒鄉

飲酒禮于州縣令每歲十二月行之

唐鄉飲酒之禮刺史為主人先召致

仕鄉有德者謀之賢者為賓其次為介其次為衆賓與之行禮縣則令為主人鄉之老人年六十以上有德望

者一人為賓次一人為介又其次為三賓又其次為衆賓年六十者三豆七十者四豆八十者五豆九十者及主人皆六豆主賓介三賓衆賓既升即席工持瑟升自階就位鼓鹿鳴卒歌笙入立於堂下北面秦南陵乃間歌歌南有嘉魚笙崇丘乃合樂周南關雎召南鵲巢司正升自西階贊禮揚觶而戒之以忠孝之本主賓介以下皆再拜奠酬既畢乃行無筭爵無筭樂

唐初州縣官俸皆令富戶掌錢

出息以給之息至倍稱多破產者

唐初在京諸司官及天下官置公廨本錢

以典史主之收贏十之七富戶幸免徭役貧者破產甚衆稱音尺證翻

祕書少監崔沔上

言請計州縣官所得俸于百姓常賦之外微有所加以

給之

時沔請計戶均出每丁加升尺以給之

從之冬十一月辛卯車駕

至西京 戊辰吐蕃奉表請和乞舅甥親署誓文

吐蕃以尚

文成公主與唐為舅甥之國吐從敝入聲

又令彼此宰相皆著名于其上

宋璟奏括州員外司馬李邕儀州司馬鄭勉並有才略

文詞

先天元年避帝名改其州為儀州

但性多異端好是非改變若全

引進則咎悔必至若長棄捐則才用可惜請除渝硤二

州刺史又奏大理卿元行冲素稱才行初用之時實允

會議當事之後頗非稱職請復以為左散騎常侍以李

朝隱代之

好呼到翻行下孟翻稱尺證翻復扶又翻散悉宣翻騎奇寄翻朝直遙翻

陸象先

開於政體寬不容非請以為河南尹從之

七年春二月俱密王那羅延

俱密國治山申在吐火羅東北南臨黑河其王突厥

延陀種

康王烏勒伽安王篤薩波提

杜佑曰康國在米國西南三百餘里漢康

居國皆上表言為大食所侵掠乞兵救援 敕太府及府

縣出粟十萬石糶之

府謂京兆府縣謂京縣及畿縣也糶他弔翻

以歛人間

惡錢送少府銷毀 三月乙卯以左武衛大將軍檢校

內外閑廐使苑內營田使王毛仲行太僕卿

初唐以尚乘局掌內

外閑廐之馬十二閑既置內外閑廐使專掌御馬因以尚乘局隸閑廐使苑內諸監本隸司農寺今亦隸苑內

營田使毛仲嚴察有幹力萬騎功臣開廢官吏皆憚之奇騎

寄苑內所收常豐溢上以為能故有寵雖有外第常居翻

開廢側內宅上或時不見則悄然若有所失宦官楊思

勗高力士皆畏避之 渤海王大祚榮卒考異曰實錄六月丁卯

祚榮卒遣左監門率吳思謙攝鴻臚卿充使弔祭按此月丙辰已云祚榮卒蓋六月方遣思謙弔祭耳 丙

辰命其子武藝襲位 夏四月壬午開府儀同三司祁

公王仁皎薨其子駙馬都尉守一請用竇孝諤例築墳

高五丈二尺竇孝諤上外祖也諤氏壬翻 上許之宋璟蘇頲固爭以

為準令一品墳高一丈九尺

高居號翻

其陪陵者高出三丈

而已竇太尉墳議者頗譏其高大當時無人極言其失

豈可今日復踵而為之

復扶又翻下蕃復同

昔太宗嫁女資送過

于長公主魏徵進諫太宗既用其言文德皇后亦賞之

事見一百九十四卷太宗貞觀六年長知兩翻

豈若韋庶人崇其父墳號曰鄴

陵

事見二百八卷中宗景龍元年

以自速其禍乎夫以后父之尊欲高

大其墳何足為難而臣等再三進言者蓋欲成中宮之

美耳況今日所為當傳無窮永以為法可不慎乎上悅

曰朕每欲正身率下況于妻子何敢私之然此乃人所

難言卿能固守典禮以成朕美垂法將來誠所望也賜

璟頭帛四百匹 五月己丑朔日有食之上素服以俟

變徹樂減膳命中書門下察繫囚賑饑乏勸農功

賑津忍翻

辛卯宋璟等奏曰陛下勤恤人隱此誠蒼生之福然臣

聞日食修德月食修刑親君子遠小人絕女謁除讒慝

所謂修德也君子耻言浮于行

論語孔子曰君子恥其言而過其行遠于願翻

愚吐得翻行下孟翻

苟推至誠而行之不必數下制書也

數所角翻下退

翻 稼

六月戊辰吐蕃復遣使請上親署誓文上不許曰

昔歲誓約已定苟信不由衷亟誓何益

用左傳語意吐從嗽入聲復扶

又翻亟去吏翻

秋閏七月右補闕盧履氷上言禮父在為母

服周年則天皇后改服齊衰三年

事見二百二卷高宗上元元年為于偽翻

齊音咨衰倉回翻上時掌翻

請復其舊上下其議

下遐稼翻

左散騎常侍

褚無量以履氷議為是諸人爭論連年不決八月辛卯

敕自今五服並依喪服傳文

散悉重翻騎奇寄翻傳直戀翻

然士大夫

議論猶不息行之各從其意無量歎曰聖人豈不知母

恩之厚乎厭降之禮

厭於叶翻

所以明尊卑異戎狄也俗情

膚淺不知聖人之心一系其制誰能正之

素音問

九月

甲寅徙宋王憲為寧王

四年成器更名憲

上嘗從複道中見衛

士食畢弃餘食于竇中怒欲杖殺之左右莫敢言憲從

容諫曰陛下從複道中窺人過失而殺之臣恐人人不

自安且陛下惡弃食於地者為食可以養人也

憲從于容翻惡

烏路翻為于偽翻

今以餘食殺人無乃失其本乎上大悟蹶然

起曰微兒幾至濫刑

幾居希翻

遽釋衛士是日上宴飲極歡

自解紅玉帶并所乘馬以賜憲 冬十月辛卯上幸驪

山溫湯癸卯還宮

驪力知翻還從宣翻又音如字

壬子冊拜突騎施

蘇祿為忠順可汗

可從刊入聲汗音寒

十一月壬申上以岐山

令王仁琛

岐山縣隋置屬岐州琛丑林翻

藩邸故吏墨敕令與五品官

宋璟奏故舊恩私則有大例除官資歷非無公道仁琛

羈緣舊恩已獲優改今若再蒙超獎遂于諸人不類又

是后族

王仁琛蓋仁皎羣從

須杜輿言

輿來也

乞下吏部檢勘苟無

負犯於格應留請依資稍優注擬從之選人宋元超于

吏部自言侍中璟之叔父冀得優假璟聞之牒吏部云

元超璟之三從叔

三從同高祖下選嫁翻選須絹翻從才用翻

常在洛城不

多參見

見賢通翻

既不敢緣尊輒隱又不願以私害公向者

無言自依大例既有聲聽事須矯枉請放

元超冀得饒殷今乃不得

留注所謂矯枉過正也

寧王憲奏選人薛嗣先請授微官事下中

書門下

選須絹翻事下選嫁翻

璟奏嗣先兩選齋郎雖非灼然應

留以懿親之故固應微假官資在景龍中常有墨敕處

分謂之斜封

處昌呂翻分扶問翻

自大明臨御茲事杜絕行一賞

命一官必是緣功與才皆歷中書門下至公之道唯聖

能行嗣先幸預姻戚不為屈法許臣等商量望付吏部

知不出正敕從之

量音良

先是朝集使往往齎貨入京師

先惡薦翻

及春將還多遷官宋璟奏一切勒還以革其弊

是歲置劍南節度使領益彭等二十五州

八年春正月丙辰左散騎常侍褚無量卒

按通鑑例惟公輔書薨偏

王者公輔書卒今書褚無量卒以整比羣書未竟改命元行冲故書以始事

考異曰舊本紀正月甲子朔皇

太子加元服壬申右散騎常侍褚無量卒按長曆正月甲寅朔甲子十一日也唐曆亦云壬申無量卒今從實

錄

辛酉命右散騎常侍元行冲整比羣書

比毗至翻

侍中

宋璟疾負罪而妄訴不已者悉付御史臺治之

治直之翻謂

中丞李謹度曰服不更訴者出之尚訴未已者且繫由

是人多怨者會天旱有魃

魃蒲撥翻旱神也神異經曰南方有人長二三尺袒身目

在項上走行如風其名曰魃所見之國大旱赤地千里一名旱母遇者得之投溷中即死

優人作魃

狀戲於上前問魃何為出對曰奉相公處分

相息亮翻處昌呂翻

分扶問翻

又問何故魃曰負冤者三百餘人相公悉以繫獄

抑之故魃不得不出上心以為然時璟與中書侍郎同

平章事蘇頲建議嚴禁惡錢江淮間惡錢尤甚璟以監

察御史蕭隱之充使括惡錢

監工衙翻  
使疏吏翻

隱之嚴急煩擾

怨嗟盈路上于是貶隱之官辛巳罷璟為開府儀同三

司頲為禮部尚書

考異曰唐歷云二十八日辛卯舊  
紀云已卯按是月無辛卯今從實錄

以京兆尹源乾曜為黃門侍郎并州長史張嘉貞為中

書侍郎並同平章事於是弛錢禁惡錢復行矣

復扶  
又翻

二月戊戌皇子敏卒追立為懷王

此懷王以  
州為國號

謚曰哀

壬子敕以役莫重於軍府一為衛士六十乃免宜促其

歲限使百姓更迭為之

更工  
衡翻

夏四月丙午遣使賜烏

長王骨咄王俱位王冊命三國皆在大食之西

烏長即  
烏菴又

曰烏茶骨咄在獲沙之東或曰阿咄羅治思助建城俱  
位或曰商瀾治阿餘颶師多城在大雪山勃律河北地

寒冬窟室  
咄當沒翻

大食欲誘之叛唐

誘音  
面

三國不從故褒之

五月辛酉復置十道按察使

罷按察見  
上卷五年

丁卯以源乾

曜為侍中張嘉貞為中書令乾曜上言形要之家多任

京官使俊乂之士沈廢于外

沈持  
林翻

臣三子皆在京請出

其二人上從之因下制稱乾曜之公命文武官効之於

是出者百餘人張嘉貞吏事彊敏而剛躁自用

躁則中列翻

書舍人苗延嗣呂太一考功員外郎負嘉靜殿中侍御

史崔訓皆嘉貞所引進常與之議政事四人頗招權時

人語曰令公四俊苗呂崔員

負音運

六月漚穀漲溢漂

溺幾二千人

溺奴狄翻幾居希翻居人四百餘家舊紀云漂沒九百餘戶溺

考異曰實錄云漂

死八百餘人掌開溺死者千一百餘人今從舊紀人數按舊紀掌開之下有番兵二字

突厥降

戶僕固都督刁磨及跌跌部落散居受降城側

降戶江翻刁職

略翻跌奚結翻跌徒結翻

朔方大使王晙言其陰引突厥謀陷軍城

密奏請誅之誘勺磨等宴於受降城伏兵悉殺之河曲

降戶殆盡拔曳固同羅諸部在大同橫野軍之側者聞

之皆怵懼

大同軍即大武軍武后大足元年更名杜佑曰在代州北三百里去并州八百餘里峻子

峻翻誘音酉  
怵許拱翻

秋并州長史天兵節度大使張說引二十

騎持節即其部落慰撫之

說讀曰悅  
騎奇寄翻

因宿其帳下副使

李憲以虜情難信馳書止之說復書曰吾肉非黃羊

必不畏食

北人謂虜  
為黃羊

血非野馬必不畏刺

非人家及  
牧所畜而自

孽生於野者  
謂之野馬

士見危致命

論語載子  
張之言

此吾效死之秋也

拔曳固同羅由是遂安 冬十月辛巳上行幸長春宮

壬午畋于下邳 上禁約諸王不使與羣臣交結光祿

少卿駙馬都尉裴虛已與岐王範遊宴仍私挾讖緯

識楚

諸胡緯于貴翻

戊子流虛已於新州離其公主

睿宗女霍國公主下嫁虛已舊

志新州至京師五千五百里

萬年尉劉庭琦太祝張諤

唐太常寺有太祝六人正

九品

數與範飲酒賦詩貶庭琦雅州司戶諤山荏丞

山荏

縣漢晉屬泰山郡宋屬東太原郡隋廢入濟州長清縣武德元年分置山荏縣屬齊州數所角翻

然待

範如故謂左右曰吾兄弟自無間但趨競之徒彊相託

附耳

開古覽翻  
強其兩翻

吾終不以此責兄弟也上嘗不豫薛王

業妃弟內直郎韋賓

唐六典東宮有內直局內直郎二人掌符璽繳扇几案衣服之事職

擬尚輦  
奉御

與殿中監皇甫恂私議休咎事覺賓杖死恂貶

錦州刺史

武后垂拱二年以辰州麻陽縣地及開山洞置錦州

業與妃惶懼待罪

上降階執業手曰吾若有心猜兄弟者天地實殛之即

與之宴飲仍慰諭妃令復位十一月乙卯上還京師

辛未突厥寇甘涼等州

涼州西至甘州五百里考異曰唐歷突厥寇涼州在九

月舊突厥傳云八年冬御史大夫王晙為朔方大總管奏請西征拔悉密東發奚契丹兩蕃期以明年秋初引

朔方兵數道俱入掩突厥牙帳于稽落河上按王峻此月為幽州都督今從實錄舊紀敗河西節

度使楊敬述

敗補邁翻

掠契苾部落而去

貞觀中契苾來降處其部落于涼州

契欺訖翻必翻

先是朔方大總管王峻奏請西發拔悉密

拔悉

密酋長姓阿史那氏蓋亦突厥之種也居北庭先悉薦翻

東發奚契丹期以今秋掩

毗伽牙帳于稽落水上

稽落水蓋導源稽落山

毗伽聞之大懼

欲谷曰不足畏也拔悉密在北庭與奚契丹相去絕遠勢不相及朔方兵計亦不能來此若必能來俟其垂至徙牙帳北行三日唐兵食盡自去矣且拔悉密輕而好

利

輕肅正翻  
好呼到翻

得王暕之約必喜而先至暕與張嘉貞不

相悅秦請多不相應必不敢出兵

史言在廷在邊之謀  
不叶為夷狄所窺

暕兵不出拔悉密獨至擊而取之勢甚易耳

易以  
敗翻

既而

拔悉密果發兵逼突厥牙帳而朔方及奚契丹兵不至

拔悉密懼引退毗伽欲擊之噉欲谷曰此屬去家千里

將死戰未可擊也不如以兵躡之去北庭二百里噉欲

谷分兵間道先圍北庭

間古  
範翻

因縱兵擊拔悉密大破之

拔悉密衆潰走趨北庭不得入

趨遠  
喻翻

盡為突厥所虜噉

欲谷引兵還出赤亭掠涼州羊馬楊敬述遣裨將盧公

利判官元澄將兵邀擊之

將即亮翻

敬述欲谷謂其衆曰吾乘

勝而來敬述出兵破之必矣公利等至刪丹

刪丹縣漢屬張掖郡

後漢晉屬西郡後魏曰山丹隋復曰刪丹屬甘州

與敬述欲谷遇唐兵大敗公利

澄脫身走毗伽由是大振盡有默啜之衆契丹牙官

可突干驍勇得衆心李娑固猜畏欲去之

驍堅堯翻娑素何翻去羌

呂翻是歲可突干舉兵擊娑固娑固敗奔營州營州都督

許欽澹遣安東都護薛泰帥驍勇五百與奚王李大酺

奉安固以討之戰敗安固李大酺皆為可突干所殺

帥請

曰率酺音蒲

生擒薛泰營州震恐許欽澹移軍入渝關可突

干立安固從父弟鬱干為主遣使請罪上赦可突干之

罪以鬱干為松漠都督以李大酺之弟魯蘇為饒樂都

督

使疏吏翻下同樂音洛

九年春正月制削楊敬述官爵

以刪丹之敗也

以白衣檢校涼

州都督仍充諸使

諸使謂節度支度營田等使也

丙辰改蒲州為河

中府置中都官僚一準京兆河南

丙寅上幸驪山溫

湯乙亥還宮 監察御史宇文融上言天下戶口逃移

巧偽甚衆請加檢括融攷之玄孫也

宇文攷見一百七十二卷陳宣帝太

建七年

監古銜翻上時掌翻攷古弼字

源乾曜素愛其才贊成之二月乙

酉敕有司議招集流移按詰巧偽之法以聞

詰去吉翻

丙

戌突厥毗伽復使來求和上賜書諭以曩昔國家與突

厥和親華夷安逸甲兵休息國家買突厥羊馬突厥受

國家繒帛彼此豐給自數十年來不復如舊正由默啜

無信口和心叛數出盜兵寇抄邊鄙人怨神怒隕身喪

元

復扶又翻下今復同數所角翻喪息浪翻元首也斬默噉事見上卷四年

吉凶之驗皆可

汗所見今復蹈前迹掩襲甘涼隨遣使人更來求好國

家如天之覆如海之容

好呼到翻覆數又翻

但取來情不追往咎

可汗果有誠心則共保遐福不然無煩使者徒爾往來

若其侵邊亦有以待可汗其審圖之 丁亥制州縣逃

亡戶口聽百日自首或于所在附籍或牒歸故鄉各從

所欲過期不首

首式又翻

即加檢括謫徙邊州公私敢容庇

者抵罪以宇文融充使括逃移戶口及籍外田所獲巧

偽甚衆

使疏吏翻

遷兵部員外郎兼侍御史融奏置勸農判

官十人

通典及新書並云二十九人通典且列其姓名

並攝御史分行天下其

新附客戶免六年賦調

調徒弟翻

使者競為刻急州縣承風

勞擾百姓苦之陽翟尉皇甫憬上疏言其狀

陽翟縣漢屬潁川郡

晉屬河南郡後魏置陽翟郡隋廢郡為縣屬襄城郡唐初屬嵩州貞觀元年屬許州龍朔三年度屬洛州為畿

縣憬居永翻

上方任融貶憬盈川尉州縣希旨務于獲多虛

張其數或以實戶為客凡得戶八十餘萬田亦稱是

尺稱

證翻

蘭池州胡康待賓誘諸降戶同反夏四月攻陷六

胡州

誘音酉降戶江翻高宗調露元年于靈夏南境以

降突厥置魯州麗州含州塞州依州契州以唐人

為刺史謂之六胡州長安二年併為匡長二州神龍三

年置蘭池郡督府分六州為縣宋白曰六胡州在夏州

德靜縣北考異曰實錄四月庚寅康待賓反命王峻

討平之斬于都市五月丁巳既誅康待賓下詔云云壬

寅叛胡康待賓偽稱葉護安慕容以叛七月癸酉王峻

擒康待賓至京師腰斬之前後重複交錯相違今從舊

紀有衆七萬進逼夏州

夏戶雅翻

命朔方大總管王峻隴右

節度使郭知運共討之戊戌敕京官五品以上外官

刺史四府上佐

四府謂京兆府河南府河府太原府

各舉縣令一人視

其政善惡為舉者賞罰以太僕卿王毛仲為朔方道

防禦討擊大使與王暉及天兵軍節度大使張說相知

討康待賓 六月己卯罷中都復為蒲州

復扶又翻

蒲州刺

史陸象先政尚寬簡吏民有罪多曉諭遣之州錄事言

于象先日明公不施箠撻何以示威

唐上州置錄事三人正九品上中下

州各一人下州從九品下箠止可翻

象先日人情不遠此屬豈不解吾言

邪

解戶買翻曉也

必欲箠撻以示威當從汝始錄事慙而退象

先嘗謂人曰天下本無事但庸人擾之耳苟清其源何

憂不治

治直吏翻

秋七月己酉王暉大破康待賓生擒之

殺叛胡萬五千人辛酉集四夷酋長腰斬康待賓于西

市

酋慈由翻  
長知兩翻

先是叛胡潛與党項通謀攻銀城連谷據

其倉庾

後周置銀城縣後改曰銀城防貞觀四年以銀城屬銀州八年屬勝州又以隋連谷戍置連谷

縣亦屬勝州杜佑曰銀城連谷皆漢園陰縣地漢光祿塞在今縣北先悉薦翻党底朗翻

張說將步

騎萬人出合河關掩擊大破之

嵐州合河縣北有合河關宋白曰合河縣城下

有蔚汾水西與黃河合故曰合河趙珣聚米圖經合河關在府州南二百里將即亮翻騎奇寄翻

追至

駱駝堰

堰於  
肩翻

党項乃更與胡戰胡衆潰西走入鐵建山

說安集党項使復其居業討擊使阿史那獻以党項翻

覆請并誅之說曰王者之師當伐叛柔服豈可殺已降

邪因奏置麟州以鎮撫党項餘衆

分勝州銀城連谷置麟州又置新秦縣為

麟州治所杜佑曰麟州漢新秦中地

九月乙巳朔日有食之 康待賓

之反也詔郭知運與王暉相知討之暉上言朔方兵自

有餘力請敕知運還本軍

上時掌翻

未報知運已至由是與

暉不協暉所招降者知運復縱兵擊之虜以暉為賣已

由是復叛

降戶江翻復扶又翻

上以暉不能遂定羣胡丙午貶暉

為梓州刺史

梓州漢郡廣漢氏道之地西魏梁未置新州隋改梓州王暉貶官未必離任也如婁

師德以素羅汗山之敗敗亦此類

丁未梁文獻公姚崇薨遣令佛以

清淨慈悲為本而愚者寫經造像冀以求福昔周齊分

據天下周則毀經像而修甲兵齊則崇塔廟而弛刑政

一朝合戰齊滅周興近者諸武諸韋造寺度人不可勝

紀

勝音升

無救族誅汝曹勿效兒女子終身不寤追薦冥

福道士見僧獲利效其所為尤不可延之於家當永為

後法 癸亥以張說為兵部尚書同中書門下三品

考

異曰朝野僉載曰說為并州刺史諂事王毛仲毛仲巡  
邊說於天兵軍大設酒肴思勲忽降授兵部尚書同中

書門下三品謝託便抱毛  
仲起舞吮其靴鼻今不取

冬十月河西隴右節度大

使郭知運卒知運與同縣右衛副率王君奭

率所律翻  
奭丑略翻

郭知運瓜州晉昌人  
王君奭瓜州常樂人

皆以驍勇善騎射著名西陲為虜

所憚

驍堅亮翻  
騎奇寄翻

時人謂之王郭奭遂自知運麾下代為

河西隴右節度使判涼州都督

十一月丙辰國子祭

酒元行冲上羣書四錄

甲部經錄乙部史錄丙部子錄  
丁部集錄 考異曰集賢筆記

在九年春今從  
唐歷統紀舊紀

凡書四萬八千一百六十九卷 庚午

赦天下

十二月乙酉上幸驪山溫湯壬辰還宮 是

歲諸王為都督刺史者悉召還京師

開元二年有司請依故事出諸王刺

外州新作蒲津橋鎔鐵為牛以繫絙

時鑄八牛牛下有山皆鐵也夾岸以

維浮梁蒲津東岸即河東縣西岸即河西縣絙居登翻大索也

安州別駕劉子玄卒

子玄即知幾也避上嫌名以字行

劉子玄卒重史臣也例猶褚無量上名隆

基知幾犯嫌名幾居希翻

著作郎吳兢撰則天實錄言宋璟激張說

使證魏元忠事

事今見二百七卷武后長安三年撰士免翻

說修史見之知

兢所為謬曰劉五殊不相借

知幾第五唐人多以第行相呼

兢起對曰

此乃兢所為史草具在不可使明公枉怨死者同僚皆

失色其後說陰祈禳改數字禳終不許曰若徇公請則

此史不為直筆何以取信于後 太史上言麟德歷浸

踈

是歷行于高宗麟德二年上時掌翻

日食屢不効上命僧一行更造新

歷

此所謂大衍歷也歐陽修曰自太初至麟德歷有二十三家與天雖近而未密也至一行密矣其倚數立

法固無以易也後世雖有改作者皆依倣而已行下孟翻更工衡翻

率府兵曹梁令瓚造

黃道遊儀以測候七政

唐東宮十率府各有兵曹參軍從九品上掌判司大朝會及皇

太子出則從南簿而涖其儀一行更造新歷欲知黃道進退而太史無黃道儀令瓚以木為遊儀一行是之請更鑄銅鐵使黃道運行以追列舍之變因二分之中以立黃道交于奎軫之間二至升降各十四度黃道內施

白道月環用究陰陽朧動  
合天運七政日月五星也

置朔方節度使領單于都

護府夏鹽等六州定遠豐安二軍三受降城

單音蟬夏  
戶雅翻降

戶江  
翻

十年春正月丁巳上行幸東都以刑部尚書王志愔為

西京留守

愔於  
今翻

癸亥命有司收公廨錢以稅錢充百

官俸

武德元年制京司及州縣官各給公廨田課其管  
種以供公私之費又有公廨園公廨地皆收其稅

以給百官廨古  
監翻俸方用翻

乙丑收職田

唐文武官有職分田一  
品十二頃二品十頃三

品九頃四品七頃五品六頃六品四頃七品三頃五十  
畝八品二頃五畝九品二頃皆給百里內之地諸州

都督都護親王府官二品十二頃三品十頃四品八頃五品七頃六品五頃七品四頃八品三頃九品二頃五  
十畝鎮戍關津嶽瀆官五品五頃六品三頃五畝七  
品三頃八品二頃九品一項五十畝貞觀十一年以職  
田侵漁百姓詔給逃還貧戶視職田多少每  
畝給粟二斗謂之地租尋以水旱復罷之  
畝率給倉

粟二斗 二月戊寅上至東都 夏四月己亥以張說

兼知朔方軍節度使 五月伊汝水溢漂溺數千家

溺奴

狄翻漢志伊水出弘農郡盧氏縣東北入洛汝水出弘  
農入淮史言伊汝溢而漂數千家既二水分流相去日  
益遠何至能漂流數千家此必于發源之地  
水溢而并流也被災之家當在虢洛二州界

閏月壬

申張說如朔方巡邊 己丑以餘姚縣主女慕容氏為

燕郡公主妻契丹王鬱干

燕因肩翻  
妻七細翻

六月丁巳博州

河決命按察使蕭嵩等治之嵩梁明帝之孫也

後梁主  
歸謚明

帝治直  
之翻

巳巳制增太廟為九室遷中宗主還太廟

中宗

遷別廟見  
上卷五年

秋八月癸卯武彊令裴景仙

武彊漢河間  
之武隧縣也

晉更名武彊  
唐屬冀州

坐賊五千匹事覺亡命上怒命集衆斬之

大理卿李朝隱奏景仙賊皆乞取罪不至死

朝直  
違翻

又其

曾祖寂有建義大功載初中以非罪破家

據裴寂傳寂  
孫承先武后

時為酷  
吏所殺

惟景仙獨存今為承嫡宜宥其死投之荒遠其

辭略曰十代宥賢功實宜錄

左傳晉祁奚請叔向曰社稷之固也猶將十世宥之

一門絕祀情或可哀制令杖殺朝隱又奏曰生殺之柄

人主得專輕重有條臣下當守今若乞取得罪便處斬

刑

處昌呂翻

後有枉法當科欲加何辟

辟毗亦翻

所以為國惜法

期守律文

為于偽翻

非敢以法隨人曲矜仙命又曰若寂勲

都棄仙罪特加則叔向之賢何足稱者若赦之鬼不其

餒而

左傳楚令尹子文之言

上乃許之杖景仙一百流嶺南惡處

考異曰實錄云初上令集衆殺之李朝隱執奏又下制云集衆決殺朝隱又奏乃流嶺南蓋本欲斬之也

安南賊帥梅叔焉等攻圍州縣遣驃騎將軍兼內侍

楊思勗討之

帥所類翻縣匹妙翻騎奇寄翻 考異曰舊紀云八月丙戌按八月庚子朔無丙戌

思勗傳云首領梅玄成自稱黑帝與林邑真臘國通謀陷安南府今從本紀 周尹上神宗書作梅叔驚思

勗募羣蠻子弟得兵十餘萬襲擊大破之斬叔焉積尸

為京觀而還

觀古玩翻還從宣翻又如字

初上之誅韋氏也王皇

后頗預密謀及即位數年色衰愛弛武惠妃有寵陰懷

傾奪之志后心不平時對上有不遜語上愈不悅密與

祕書監姜皎謀以后無子廢之皎泄其言嗣滕王嶠

按新

書滕王元嬰薨長子修琦嗣為長樂王垂拱中死詔獄  
神龍初以少子脩信子涉嗣無嗣滕王嶠也新書姜皎  
傳言皎泄禁中語為嗣濮王嶠所劾又按新書太宗子  
魏王泰得罪後封濮王薨子欣嗣武后時為酷吏所陷  
貶神龍初子嶠嗣王則嗣滕  
王嶠當作嗣濮王嶠明矣  
后之妹夫也秦之上怒張

嘉貞希旨構成其罪云皎妄談休咎甲戌杖皎六十流

欽州弟吏部侍郎晦貶春州司馬

舊志春州京師東南  
六千四百四十八里

親黨坐流死者數人皎卒于道已亥敕宗室外戚駙馬

非至親毋得往還其卜相占候之人皆不得出入百官

之家

相息  
亮翻

已卯夜左領軍兵曹權楚璧與其黨李齊

損等作亂立楚璧兄子梁山為光帝詐稱襄王之子

景雲

二年重茂改封襄王

擁左屯營兵數百人入宮城求留守王志愔

不獲比曉

比必利翻

屯營兵自潰斬楚璧等傳首東都志愔

驚怖而薨楚璧懷恩之姪

權懷恩為吏以嚴能稱怖普布翻

齊損迴秀

之子也

李迴秀始見一百六卷武后神功元年迴戶頃翻

壬午遣河南尹王怡

如京師按問宣慰

癸未吐蕃圍小勃律王沒謹忙

小勃

律在大勃律西北三百里去京師九千里而羸東少南三千里距吐蕃贊普牙

謹忙求救于北

庭節度使張嵩曰勃律唐之西門勃律亡則西域皆為

吐蕃矣嵩乃遣疏勒副使張思禮將蕃漢步騎四千救

之

據新書張嵩即張孝嵩使疏  
吏翻將即亮翻騎奇寄翻

晝夜倍道與謹忙合擊

吐蕃大破之斬獲數萬自是累歲吐蕃不敢犯邊王

怡治權楚璧獄連逮甚衆久之不決

治直  
之翻

上乃以開府

儀同三司宋璟為西京留守璟至止誅同謀數人餘皆

奏原之康待賓餘黨康願子反自稱可汗張說發兵

追討擒之其黨悉平徙河曲六州殘胡五萬餘口於許

汝唐鄧仙豫等州

貞觀八年改伊州襄城郡為汝州唐  
州漢南陽郡東界比陽湖陽平氏之

地後魏於比陽置東荊州後改為昌州又改為淮州隋改為顯州武德五年以郡有唐城山改為唐州開元三年以汝州之葉襄城唐州之方城豫州之西平許州之舞陽置仙州

空河南朔方千里之

地先是緣邊戍兵常六十餘萬

先悉薦翻

說以時無彊寇秦

罷二十餘萬使還農上以為疑說曰臣久在疆場具知

其情將帥苟以自衛及役使營私而已

場音亦將即亮翻帥所類翻

若禦敵制勝不必多擁冗卒以妨農務陛下若以為疑

臣請以闔門百口保之上乃從之初諸衛府兵自成丁

從軍六十而免其家又不免雜徭浸以貧弱逃亡略盡

百姓苦之張說建議請召募壯士充宿衛不問色役優

為之制逋逃者必爭出應募上從之旬日得精兵十三

萬分隸諸衛更番上下

更工衛翻  
上時掌翻

兵農之分從此始矣

史言唐養兵之  
弊始于張說

冬十月癸丑復以乾元殿為明堂

以東

都明堂復為乾元殿見  
上卷五年復扶又翻

甲寅上幸壽安興泰宮

壽安  
古新

安九曲之地後魏置甘棠縣隋  
仁壽四年改為壽安縣屬洛州

獵于上宜川庚申還宮

上欲耀兵北邊丁卯以秦州都督張守潔等為諸衛

將軍十一月乙未初令宰相共食實封三百戶

唐會  
要曰

舊制凡有功之臣賜實封者皆以課戶充準戶數州縣與國官邑官執帳供其租調各準配租調遠近州縣官司收其脚直然後附國邑官司其丁準此入國邑者收其庸 前廣州都督裴佑先

下獄

下選嫁翻 佑與胄同

上與宰相議其罪張嘉貞請杖之張說

曰臣聞刑不上大夫

記曲禮之言 上時掌翻

為其近于君且所以

養廉耻也

為于偽翻 近其斬翻

故士可殺不可辱

記儒行之言

臣鼎巡

北邊聞杖姜皎于朝堂

朝直 還翻

皎官登三品亦有微功有

罪應死則死應流則流奈何輕加笞辱以皂隸待之

笞丑

之翻 卑 昨早翻

姜皎事往不可復追佑先據狀當流豈可復蹈

前失

復扶又翻

上深然之嘉貞不悅退謂說曰何論事之深

也說曰宰相時來則為之若國之大臣皆可答辱但恐

行及吾輩吾此言非為他先乃為天下士君子也

偽為于翻

下為農同

嘉貞無以應

十二月庚子以十姓可汗阿史那

懷道女為交河公主

武后長安四年冊懷道為十姓可汗

嫁突騎施可汗

蘇祿上將幸晉陽因還長安張說言于上曰汾陰睢

上有漢家后土祠

立后土祠見二十卷漢武帝元鼎四年睢音誰

其禮久廢陞

下宜因巡幸修之為農祈穀上從之上女永穆公主

將下嫁

永穆公主  
下嫁王繇

敕資送如太平公主故事僧一行諫

曰武后惟太平一女故資送特厚卒以驕敗

太平公主  
始嫁薛紹

而敗于開元之  
初卒于恤鞠

奈何為法上遽止之

十一年春正月己巳車駕自東都北巡庚辰至潞州給

復五年

上嘗為潞州別駕  
故也復方日翻

辛卯至并州置北都以并州

為太原府刺史為尹二月戊申還至晉州張說與張

嘉貞不平會嘉貞弟金吾將軍嘉祐賊發說勸嘉貞素

服待罪于外己酉左遷嘉貞幽州刺史壬子祭后土

于汾陰乙卯貶平遙令王同慶為韜尉

平遙即涇太原郡平陶縣後魏

避國諱改平陶為平遙周隋屬介州唐屬汾州韜音紺

坐廣為儲侍煩擾百姓也

侍直里翻

癸亥以張說兼中書令

己巳罷天兵大武等

軍以大同軍為太原以北節度使領太原遼石嵐汾代

忻朔蔚雲十州

武德三年分并州之樂平遼山平城石艾置遼州八年曰箕州先天元年避上

名改曰儀州至中和三年方復曰遼州此以後來一定州名書之嵐盧含翻蔚紆勿翻

三月庚

午車駕至京師

夏四月甲子以吏部尚書王曖為兵

部尚書同中書門下三品

五月己丑以王曖兼朔方

軍節度大使巡河西隴右河東河北諸軍 上置麗正

書院聚文學之士

漢魏以來有祕書之職梁於文德殿內藏聚羣書北齊有文林館學士後

周有麟趾殿學士皆掌著述隋寫羣書正副二本藏于宮中其餘以實祕書外閣煬帝于東都觀文殿東西廂貯書自漢延嘉至隋皆祕書掌圖籍而禁中之書時或有焉太宗在藩置學士十八人其後弘文崇文二館皆有學士開元五年乾元殿寫四部書置乾元院使有刊正官四人知書官八人分掌四庫書六年更號麗正修書院置使及檢校官改修書官為麗正殿學士八年加文學直又加修撰校理判正校勘官十一年置麗正院修書學士十三年改麗正修書院為集賢殿書院五品以上為學士六品以下為直學士宰相一人為學士知院事常侍一人為副知院事又置判院一人押院中使一人又置集賢院侍講學士侍讀直學士其後又增修

撰官校理官侍制官留院  
官知檢討官文學直之類  
秘書監徐堅太常博士會稽

賀知章監察御史鼓城趙冬曦等

會稽縣帶越州鼓城  
縣漢臨平下曲陽兩

縣之地隋分棗城于下曲陽故城東五里置昔陽  
縣尋改為鼓城唐屬定州會古外翻監右街翻或修

書或侍講以張說為修書使以總之有司供給優厚中

書舍人洛陽陸堅以為此屬無益于國徒為糜費欲悉

奏罷之

考異曰舊傳作徐  
堅今從集賢筆記

張說曰自古帝王于國家

無事之時莫不崇宮室廣聲色今天子獨延禮文儒發

揮典籍所益者大所損者微陸子之言何不達也上聞

之重說而薄堅 秋八月癸卯敕前令檢括逃人慮成

煩擾天下大同宜各從所樂

樂音洛

令所在州縣安集遂

其生業 戊申追尊宣皇帝廟號獻祖光皇帝廟號懿

祖

宣皇帝諱熙涼武昭王暱之曾孫涼王歆之孫弘農太守重耳之子也光皇帝諱天賜宣皇帝長子也

祔于太廟九室 先是吐谷渾畏吐蕃之彊附之者數

年

先悉薦翻吐從嗽入聲

九月壬申帥衆詣沙州降

帥讀曰率降戶江翻

河

西節度使張敬忠撫納之 冬十月丁酉上幸驪山作

溫泉宮

雍錄曰驪山溫湯在臨潼縣南一百五十步直驪山之西北十道志曰泉有三所其一處即泉

堂石井後周宇文護所造隋文帝又修屋宇并植松柏  
千餘株貞觀十八年詔閭立本營建宮殿御賜名湯泉  
宮是年更名溫泉宮而改作之  
甲寅還宮 十一月禮儀使張說等奏

以高祖配昊天上帝罷三祖並配之禮

此因郊祀置禮儀使也武德初

定令圓丘以景帝配明堂以元帝配貞觀奉高祖配圓丘永徽二年又奉太宗配明堂垂拱初用元萬頃議奉高祖配圓丘自是郊祀之禮三祖並配  
三祖謂高祖太宗高宗也使疏吏翻  
戊寅上祀南郊

赦天下

考異曰實錄癸酉日長至戊寅祀南郊唐歷戊寅冬至祀南郊按長歷去年閏五月來年閏

十二月唐歷近是

戊子命尚書左丞蕭嵩與京兆蒲同岐華

州長官選府兵及白丁一十二萬謂之長從宿衛

華戶化翻

長知一年兩番州縣母得雜役使 十二月甲午上幸  
兩翻

鳳泉湯戊申還宮 庚申兵部尚書同中書門下三品

王暎坐黨引疎族貶蘄州刺史

舊志蘄州至京師二千五百六十里蘄渠希翻

考異曰舊傳云上親郊祀追暎赴京以會大禮暎以時屬冰壯恐虜騎乘隙入寇表辭不赴手敕慰勉仍賜衣一副會許州刺史王喬家奴告喬與暎潛謀搆逆敕侍中源乾曜中書令張說鞠其狀暎既無反狀乃以違詔追不到罪之今從實錄 是歲張說奏改政事堂曰中書門下列

五房于其後分掌庶政

舊制宰相常于門下省議事謂之政事堂永淳元年中書令裴

炎以中書執政事筆遂移政事堂于中書省至是說改政事堂為中書門下其政事印改為中書門下之印五

房一曰吏房二曰樞機房三曰兵房四曰戶房五曰刑禮房

初監察御史濮陽杜

暹因按事至突騎施

監古衙翻濮博木翻暹息廉翻

突騎施饋之金暹

固辭左右曰君寄身異域不宜逆其情乃受之埋于幕下出境移牒令取之虜大驚度磧追之不及及安西都護闕或薦暹往使安西人服其清慎

磧七迹翻使疏吏翻

時暹自

給事中居母憂

十二年春三月甲子起暹為安西副大都護磧西節度

等使神龍初追復澤王上金官爵

上金死見二百四卷武后天授元年

求得庶子義珣於嶺南紹其故封許王素節之子瓘利

其爵邑與弟璆謀

璆音求

使人告義珣非上金子妄冒襲

封復流嶺南以璆繼上金後為嗣澤王至是玉真公主

表義珣實上金子為瓘兄弟所擯夏四月庚子復立義

珣為嗣澤王削璆爵貶瓘鄂州別駕

舊志鄂州京師東南二千九百四十

八壬寅敕宗室旁繼為嗣王者並令歸宗

復扶又翻考異曰舊紀

在癸卯今

從實錄

壬子命太史監南宮說等

唐太史局屬秘書省景龍二年

改太史局為太史監今名不改不隸秘書開元二年又改今為監說讀曰悅

於河南北平地

測日晷及極星夏至日中立八尺之表同時候之陽城

晷長一尺四寸八分弱

陽城縣前漢屬潁川郡後漢屬河南郡後魏置陽城郡隋置嵩

州貞觀三年廢嵩州以縣屬洛州武后登封元年改曰告成中宗神龍元年復故晷居洧翻長直亮翻

夜

視北極出地高三十四度十分度之四

高古號翻

浚儀岳臺

晷長一尺五寸微強

項安世曰按日行黃道每歲有差地中亦常隨之故測日景以求地

中周在洛邑漢在潁川陽城唐在汴州浚儀也長直亮翻考異曰新志云浚儀岳臺晷尺五寸三分今從僧

一行大衍歷議及舊志

極高三十四度八分南至朗州晷長七寸

七分極高二十九度半北至蔚州晷長二尺二寸九分

極高四十度南北相距三千六百八十八里九十步晷  
差一尺五寸二分極差十度半又南至交州晷出表南  
三寸三分八月海中南望老人星下衆星粲然皆古所  
未名大率去南極二十度以上星皆見

見賢遍翻溫公  
作通鑑不特紀

治亂之迹而已至于禮樂厯數天文地理尤致  
其詳讀通鑑者如飲河之鼠各充其量而已

五月

丁亥停諸道按察使

八年復置諸道按  
察使使疏吏翻

六月壬辰制聽

逃戶自首

首式  
又翻

闕所在間田隨宜收稅毋得差科征役

租庸一皆蠲免仍以兵部員外郎兼侍御史宇文融為

勸農使巡行州縣

行下孟翻

與吏民議定賦役

上以山東

旱命臺閣名臣以補刺史壬午以黃門侍郎王丘中書

侍郎長安崔沔

沔彌究翻

禮部侍郎知制誥韓休等五人出

為刺史丘同皎之從父兄子

王同皎預誅二張死於武三思之手從才用翻

休

大敏之孫也

按舊書韓休傳休伯父大敏則天初以雪反者賜死休父曰大智

初張說

引崔沔為中書侍郎故事承宣制皆出宰相侍郎署位

而已

承宣制者承宣及承制也

沔曰設官分職上下相維各申所見

事乃無失侍郎令之貳也豈得拱默而已由是遇事多

所異同說不悅故因是出之 秋七月突厥可汗遣其

臣哥解頡利發來求昏 溪州蠻覃行璋反

溪州漢沅陵零陵二

縣地梁分置大鄉縣舊置辰州武后天授二年分置溪州覃音徒含翻姓也姓譜梁有東寧州刺史覃元亮

以監門衛大將軍楊思勗為黔中道招討使將兵擊之

監古衙翻黔音琴使疏吏翻將即亮翻

癸亥思勗生擒行璋斬首三萬級

而歸加思勗輔國大將軍俸祿防閤皆依品級

貞觀初百官得

上考者給祿一季未幾得上下考者給祿一年出使者稟其家新至官者計日給糧中書舍人高季輔言外官卑品貧匱宜給祿養親自後以地租春秋給京官歲凡五十萬一千五百餘斛外官降京官一等一品以五十

石為一等二品三品以三十石為一等四品五品以二十石為一等六品七品以五十石為一等八品九品以二十石五斗為一等典稟則以鹽為祿職事官又有防閤庶僕一品防閤九十六人二品七十二人三品四十八人四品三十二人五品二十四人六品庶僕十五人七品四人八品三人九品二人外官以州府縣上中下為差又按唐六典輔國大將軍勳階正二品唐制宦官不得登三品今思勳階二品矣宋白曰唐制凡京師文武職官皆有防閤州縣

赦行璋以為洵水府別駕

唐制商州有洵水府

又按唐制諸府無別駕各有別將一人上府正七品下中府從七品上下府從七品下別駕當為別將洵須倫

翻

姜皎既得罪王皇后愈憂畏不安然待下有恩故

無隨而譖之者上猶豫不決者累歲后兄太子少保守

一以后無子使僧明悟為后祭南北斗

為于偽翻

剖霹靂木

書天地字及上名合而佩之

霹靂木者霹靂所震之木今為張道陵之術者用霹

靂木為印云有雷氣可以鎮服鬼物

祝曰佩此有子當如則天皇后事覺

已卯廢為庶人移別室安置貶守一潭州別駕中路賜

死戶部尚書張嘉貞坐與守一交通貶台州刺史

舊志台州

京師東南四千一百七十七里

八月丙申突厥哥解頡利發還其國

以其使者輕禮數不備未許昏

使疏吏翻下同

己亥以宇文

融為御史中丞融乘驛周流天下事無大小諸州先牒

上勸農使

上時掌翻

後申中書

句斷

省司亦待融指搗然後處

決

省司謂尚書都省左右司主者也處昌呂翻

時上將大攘四夷急于用度

州縣畏融多張虛數凡得客戶八十餘萬田亦稱是

融獻

策括籍外羨田逃戶自占者給復五年每丁稅錢千五百州縣希旨以正田為羨編戶為客稱尺證翻 歲

終增緡錢數百萬

緡眉巾翻

悉進入宮由是有寵議者多言

煩擾不利百姓上亦令集百寮於尚書省議之公卿已

下畏融恩勢不敢立異惟戶部侍郎楊瑒獨抗議以為

括客免稅不利居人徵籍外田稅使百姓困弊所得不

補所失未幾場出為華州刺史

場雉杏翻又音賜幾居豈翻

壬寅

以開府儀同三司宋璟為西京留守 冬十月丁酉謝

颺王特勒遣使入奏

謝颺國居吐火羅西南或曰漕矩吒或曰漕矩顯慶時曰訶達羅支

武后改曰謝颺東距罽賓四百里南天竺西波斯颺于筆翻

稱去年五月金城公主

遣使詣箇失密國

箇失密或曰迦濕彌邏北距勃律五百里

云欲走歸汝箇

失密王從臣國王借兵共拒吐蕃王遣臣入取進止上

以為然賜帛遣之 廢后王氏卒後宮思慕后不已上

亦悔之 十一月庚午上幸東都戊寅至東都 辛巳

司徒申王撝薨贈謚惠莊太子 羣臣屢上表請封禪

上時 閏月丁卯制以明年十一月十日有事于泰山時

掌翻

張說首建封禪之議而源乾曜不欲為之由是與說不

平 是歲契丹王李鬱于卒弟吐干襲位

卒子恤翻吐  
從暎入聲

十三年春二月庚申以御史中丞宇文融兼戶部侍郎

制以所得客戶稅錢均充所在常平倉本又委使司與

州縣議作勸農社

使司勸農使司  
也使疏吏翻

使貧富相恤耕耘以

時 乙亥更命長從宿衛之士曰彊騎

彊虛郭翻  
引滿曰彊

分隸

十二衛總十二萬人為六番 上自選諸司長官有聲

望者大理卿源光裕尚書左丞楊承令兵部侍郎冠泚

等十一人為刺史命宰相諸王及諸司長官臺郎御史

諸司長官省寺監之長也臺郎謂尚書郎先是改尚書為中臺臺郎及御史則三省官必皆集也長知兩翻泚

且禮翻餞于洛濱供張甚盛 張知亮翻 賜以御膳太常

具樂 御膳尚食奉御所掌天子日供之常膳太常具樂者使太常為之具樂耳若盡具太常之樂則雅樂

鼓吹文武二舞及十部樂 內坊歌妓 內坊內教坊也即恐非宴餞之所得備也 開元二年選置宜

春院之妓女 上自書十韻詩賜之光裕乾曜之從孫也 妓渠綺翻

從才  
用翻

三月甲午太子嗣謙更名鴻徙郟王嗣直為慶

王更名潭陝王嗣昇為忠王更名浚鄆王嗣真為棣王

更名洽

讀通鑑至此可以知前此嗣直之誤為嗣真矣更工衡翻下同

鄂王嗣初更名

渚鄆王嗣玄為榮王更名滉又立子琚為光王滌為儀

王灋為潁王

潁圭淵翻鄆吉橡翻灋音云

澤為永王清為壽王洄為

延王沐為盛王

沐食韋翻

溢為濟王

濟子禮翻

丙申御史大夫

程行湛奏周朝酷吏

朝直遙翻

來俊臣等二十三人情狀尤

重子孫請皆禁錮傳遊藝等四人差輕子孫不聽近任

從之 汾州刺史楊承令不欲外補

舊志汾州去京師一千二百六里

意怏怏自言吾出守有由

怏於兩翻 守手又翻

上聞之怒壬寅貶

睦州別駕

張說草封禪儀獻之夏四月丙辰上與中

書門下及禮官學士宴于集仙殿上曰仙者憑虛之論

朕所不取賢者濟理之具朕今與卿曹合宴宜更名曰

集賢殿

唐六典洛陽宮南面三門中曰應天左曰興教右曰光政光政之內曰廣運其北曰明福明福

之西曰崇賢門其內曰集賢殿

其書院官五品以上為學士六品以下

為直學士以張說知院事右散騎常侍徐堅副之上欲

以說為大學士說固辭而止 說以大駕東巡恐突厥

乘間入寇

間古  
覓翻

議加兵守邊召兵部郎中裴光庭謀之

光庭曰封禪者告成功也今將升中于天

記曰因名山  
升中于天注

云謂封  
泰山也

而戎狄是懼非所以昭盛德也說曰然則若之

何光庭曰四夷之中突厥為大比屢求和親而朝廷羈

縻未決許也

比毗  
至翻

今遣一使徵其大臣從封泰山

使疏  
吏翻

彼必欣然承命突厥來則戎狄君長無不皆來

長知  
兩翻

可

以偃旗卧鼓高枕有餘矣

枕職  
任翻

說曰善說所不及即奏

行之光庭行儉之子也

裴行儉事高宗典選有識鑒為將著功名上遣中書

直省袁振

以他官直中書省謂之直省今之直省吏職也

攝鴻臚卿諭旨於突

厥

臚陵如翻

小殺與闕特勒噉欲谷環坐帳中置酒謂振曰

吐蕃狗種

西戎古曰犬戎故謂吐蕃為狗種

奚契丹本突厥奴也

夷言奴猶

華言臣也

皆得尚主突厥前後求昏獨不許何也且吾亦知

入蕃公主皆非天子女今豈問真偽但屢請不獲愧見

諸蕃耳振許為之奏請小殺乃使其大臣阿史德頡利

發入貢因扈從東巡

為于偽翻從才用翻

五月庚寅妖賊劉定

高帥衆夜犯通洛門

妖于喬翻  
帥讀曰率

悉捕斬之

秋八月張

說議封禪儀請以睿宗配皇地祇從之九月丙戌上

謂宰臣曰春秋不書祥瑞惟記有年敕自今州縣毋得

更奏祥瑞冬十月癸丑作水運渾天成上具列宿注

水激輪令其自轉晝夜一周別置二輪絡在天外綴以

日月逆天而行淹速合度

每天西旋一周日東行一度  
月行十三度十九分度之七

二十九轉而日月會三百六十五轉而日周天孔穎達  
曰天之晝夜以日出入為分人之晝夜以昏明為限日  
未出以前二刻半為明日入後二刻半為昏損夜五刻  
以裨于晝則晝多于夜復校五刻古今厯術與太史所

候皆云夏至之晝六十五刻夜三十五刻冬至之晝四十五刻夜五十五刻春分秋分之晝五十五刻夜四十五刻此其不易之法也然今太史細候之法則較常法半刻也從春分至夏至晝漸長增九刻半夏至至于秋分所減亦如之從秋分至于冬至晝漸短減十刻半從冬至至于春分其增亦如之又于每氣之間增減刻數有多有少不可通以為率漢初未能審知置木匱為地率九日增減一刻和帝時霍融始請改之

平令儀半在地下又立二木人每刻擊鼓每辰擊鐘機

械皆藏匱中辛酉車駕發東都百官貴戚四夷酋長

從行

酋慈由翻長知兩翻

每置頓數十里中人畜被野

畜許救翻被皮義翻

有司輦載供具之物數百里不絕

司馬法曰夏后氏謂輦曰余車殷曰胡奴

車周曰輜輦輦一斧一鑿一裡一鋤周輦加二版二築又曰夏后氏二十人而輦殷十八人而輦周十五人而輦賈公彥曰輦以其束載輜重余按司馬法及賈公彥所云皆言行軍之輦此所謂輦載兼凡器物而言

十一月丙戌至泰山下御馬登山

統紀皆云備法駕登

泰山開天傳信記云上將封泰山益州進白驪上親乘之不知登降之倦繞下山無疾而殪謚曰白驪將軍按泰山非法駕可登白驪近怪今從舊志

留從官於谷口

從才用翻獨與宰相及

祠官俱登儀衛環列於山下百餘里上問禮部侍郎賀

知章曰前代玉牒之文何故祕之對曰或密求神仙故

不欲人見上曰吾為蒼生祈福耳

為于偽翻

乃出玉牒宣示

羣臣庚寅上祀昊天上帝於山上羣臣祀五帝百神於

山下之壇其餘倣乾封故事

事見一百一卷  
高宗乾封元年

辛卯祭皇

地祇于社首壬辰上御帳殿受朝覲

野次連幄以為殿  
因謂之帳殿朝直

遙赦天下封泰山神為天齊王禮秩加三公一等

古制  
四岳

公

三張說多引兩省吏

兩省中書省  
門下省也

及以所親攝官登

山禮畢推恩往往加階超入五品而不及百官中書舍

人張九齡諫不聽又扈從士卒但加勲而無賜物

從才  
用翻

勲勲  
級也由是中外怨之

初隋末國馬皆為盜賊及戎狄

所掠唐初纔得牝牡三千匹於赤岸澤徙之隴右命太僕張

萬歲掌之

考異曰統紀云萬歲三世典羣牧恩信行隴右故隴右人謂馬歲爲齒爲張氏諱也按

公羊傳晉獻公謂荀息曰吾馬之齒則已長矣然則謂馬歲爲齒有自來矣萬歲善于其職

自貞觀至麟德馬蕃息及七十萬匹蕃音煩分為八坊四

十八監各置使以領之唐制凡馬五千匹爲上監三千匹以上爲中監一千匹以上爲

下監麟德中置八使分總監坊秦蘭原渭四州及河曲之地凡監四十八南使有監十五西使有監十六北使有監七鹽州使有監八嵐州使有監二自京師西屬隴右有七馬坊置隴右三使領之歐陽脩曰置八坊幽岐涇寧間地廣千里一曰保樂二曰甘露三曰南普閏四曰北普閏五曰岐陽六曰太平七曰宜祿八曰安定八

坊之田千二百三十頃募民耕之以給芻秣八坊之馬  
為四十八監而馬多地狹不能容又析八監列置河西  
豐曠之野是時天下以一縑易一馬垂拱以後馬潛耗太半

上初即位牧馬有二十四萬匹以太僕卿王毛仲為內  
外閑廐使少卿張景順副之至是有馬四十三萬匹牛

羊稱是使疏吏翻下同稱尺證翻上之東封以牧馬數萬匹從從才用翻

下宴從同色別為羣望之如雲錦上嘉毛仲之功癸巳加毛

仲開府儀同三司甲午車駕發泰山庚申幸孔子宅致  
祭上還至宋州宴從官于樓上刺史冠泚預焉酒酣上

謂張說曰：「卿者屢遣使臣分巡諸道，察吏善惡，今因封

禪歷諸州，乃知使臣負我多矣。」懷州刺史王丘餽牽之

外，一無它獻。魏州刺史崔沔供張魚、錦繡，示我以儉。濟

州刺史裴耀卿表數百言，莫非規諫。

懷魏二州在河北  
濟州治鉅野上行

幸泰山往還皆得迎候車駕餽許氣  
翻供居用翻張知亮翻濟子禮翻

且曰：「人或重擾，則

不足以告成。朕常寘之坐隅。」

重直用翻  
坐徂卧翻

且以戒左右如

三人者，不勞人以市恩，真良吏矣。顧謂寇泚曰：「比亦屢

有以酒饌不豐訴于朕者。」

比毗至翻饌雖  
應翻又離皖翻

知卿不借譽

於左右也自舉酒賜之宰臣帥羣臣起賀樓上皆稱萬

歲

譽音余帥讀曰率

由是以丘為尚書左丞沔為散騎侍郎耀

卿為定州刺史耀卿叔業之七世孫也

尚辰羊翻沔彌究翻散悉賣翻

騎

奇寄翻

蕭齊東昏侯

之時裴叔業叛齊入魏

侯

之時裴叔業叛齊入魏

十二月乙巳還東都

還

從

宣翻又

如字

突厥頡利發辭歸上厚賜而遣之竟不許昏

如字

頡利勿翻

頡利勿翻

頡利結翻

王毛仲有寵于上百官附之者輻湊毛仲

索也

毛仲頓首對曰臣萬事已備但

未得客上曰張說源乾曜輩豈不可呼邪

說讀為悅邪音耶

對

嫁女上問何須

索也

嫁女上問何須

索也

毛仲頓首對曰臣萬事已備但

未得客上曰張說源乾曜輩豈不可呼邪

說讀為悅邪音耶

對

嫁女上問何須

索也

索也

索也

索也

毛仲頓首對曰臣萬事已備但

未得客上曰張說源乾曜輩豈不可呼邪

說讀為悅邪音耶

對

嫁女上問何須

索也

索也

索也

索也

毛仲頓首對曰臣萬事已備但

未得客上曰張說源乾曜輩豈不可呼邪

說讀為悅邪音耶

對

曰此則得之上曰知汝所不能致者一人耳必宋璟也

對曰然上笑曰朕明日為汝召客

為于偽翻

明日上謂宰相

朕奴毛仲有昏事卿等宜與諸達官悉詣其第既而日

中衆客未敢舉筋待璟久之方至先執酒西向拜謝

謝為

君命而來非為毛仲來也

飲不盡卮遽稱腹痛而歸璟之剛直老而

彌篤先是契丹王李吐干與可突干復相猜忌攜公

主來奔不敢復還更封遼陽王留宿衛

吐從瞰入聲可從刊入聲先悉

薦翻復扶又翻更工衛翻

可突干立李盡忠之弟邵固為主車駕東

巡邵固詣行在因從至泰山拜左羽林大將軍靜折軍

經略大使

四年契丹來降置靜折軍于松漠府以其酋長為經略大使言中國之兵不動而契丹自

降以靜而折遜  
銜也使疏吏翻

上疑吏部選試不公時選期已迫御

史中丞宇文融密奏請分吏部為十銓甲戌以禮部尚

書蘇頌等十人掌吏部選

選須絹翻下同頌他鼎翻

試判將畢遽召

入禁中決定吏部尚書侍郎皆不得預左庶子吳兢上

表

上時掌制

以為陛下曲受讒言不信有司非居上臨人推

誠感物之道昔陳平丙吉漢之宰相尚不對錢穀之數

不問關死之人

陳平事見十三卷漢文帝元年丙吉事見二十六卷漢宣帝神爵三年

況

大唐萬乘之君豈得下行銓選之事乎凡選人書判並

請委之有司停此十銓上雖不即從明年復故是歲

東都斗米十五錢青齊五錢粟三錢于闐王尉遲眺

陰結突厥及諸胡謀叛

尉紆勿翻

安西副大都護杜暹發兵

捕斬之更為立王

為于偽翻

資治通鑑卷二百十二